

四庫全書薈要

• 乾隆御覽本

史部

欽定四庫全書薈要

史部

資治通鑑卷一百二十九



詳校官編修臣汪鏞

資治通鑑卷一百一十八 宋 司馬光 撰

胡三省 音註

紀四十

起強國大荒落盡
屠雄協洽凡三年

安皇帝癸

義熙十三年春正月甲戌朔日有食之 秦主泓朝會

百官於前殿

朝立
還翻

以內外危迫君臣相泣

以內則兄弟
構難外為晉

夏所
迫也征北將軍齊公恢帥安定鎮戶三萬八千焚廬舍

自北雍州趨長安

秦分嶺北五郡為北雍州鎮安定泓不用東平公紹懿橫之言以召亂帥

讀曰率雍於用
翻趨七喻翻

自稱大都督建義大將軍移檄州郡欲

除君側之惡揚威將軍姜紀帥眾歸之建節將軍彭完

都棄陰密犇還長安恢至新支姜紀說恢曰國家重將

大兵皆在東方京師空虛公亟引輕兵襲之必克恢不

從南攻郿城鎮西將軍姚謐為恢所敗

說翰芮翻敗補
邁翻將即亮翻

郿音眉又音媚謐氏壬翻姚
謐去年棄雍東奔遂屯于郿

長安大震泓馳使徵東平

公紹遣姚裕及輔國將軍胡翼度屯澧西

關中無澧水
澧當作澧澧

水出鄆南澧谷北過上扶風太守姚雋等皆降於恢

降戶

江

東平公紹引諸軍西還與恢相持於靈臺

水經注漢靈臺在秦

阿房宮南鎬水逕其北

姚讚留寧朔將軍尹雅為弘農太守守潼

關

太守式又翻

亦引兵還恢衆見諸軍四集皆有懼心其將

齊黃等詣大軍降恢進兵逼紹讚自後擊之恢兵大敗殺恢及其三弟泓哭之慟葬以公禮太尉裕引水軍

發彭城留其子彭城公義隆鎮彭城詔以義隆為監徐

兗青冀四州諸軍事徐州刺史

監工銜翻

涼公嵩寢疾

嵩古

老遺命長史宋繇曰吾死之後世子猶卿子也善訓導

之二月薨卒

卒子恤翻下將卒同

官屬奉世子歆為大都督大將

軍涼公領涼州牧大赦改元嘉興尊歆母天水尹氏為

太后以宋繇錄三府事

三府大都督大將軍府涼公府州牧府也

謚曰武

昭王廟號太祖西秦安東將軍木奕干擊吐谷渾樹

洛干破其弟阿柴於堯杆川

堯杆川在塞外杆居寒翻又居案翻

俘五千

餘口而還

還而宣翻又如字

樹洛干走保白蘭山慙憤發疾將

卒謂阿柴曰吾子拾虔幼弱今以大事付汝樹洛干卒

卒子
恆翻

阿柴立自稱驃騎將軍沙州刺史

驃匹妙翻
騎奇寄翻

謚樹

洛干曰武王阿柴稍用兵侵併其傍小種

種章勇翻

地方數

千里遂為彊國

河西王蒙遜遣其將襲烏啼部大破

之

烏啼虜居張掖刪丹縣
金山之西將即亮翻

又擊卑和部降之

卑和羌居
西海降戶

江翻

王鎮惡進軍澠池

澠彌亮翻

遣毛德祖襲尹雅於蠡吾

城禽之

秦以雅為弘農太守屯蠡吾城據載記蠡吾城
當在宜陽之西宋白曰蠡吾城後魏初猶屬弘

農唐以來為澠池縣理所余按蠡吾自是漢清河國
界城名此乃蠡城非蠡吾城也通鑑蓋承晉書之誤雅

殺守者而逃鎮惡引兵徑前抵潼關檀道濟沈林子自

陝北渡河拔襄邑堡

陝式冉翻

秦河北太守薛帛犇河東

襄邑

堡在河北郡河北縣漢晉屬河東郡秦分立河北郡

又攻秦并州刺史尹昭於蒲

阪不克

阪音反

別將攻匈奴堡為姚成都所敗

將即亮翻下同敗蒲

邁翻辛酉滎陽守將傅洪以虎牢降魏秦主泓以東平公

紹為太宰大將軍都督中外諸軍事假黃鉞改封魯公使督武衛將軍姚鸞等步騎五萬守潼關又遣別將姚驢救蒲阪沈林子謂檀道濟曰蒲阪城堅兵多不可猝拔攻之傷衆守之引日王鎮惡在潼關勢孤力弱不如

與鎮惡合勢并力以爭潼關若得之尹昭不攻自潰矣

道濟從之三月道濟林子至潼關秦魯公紹引兵出戰

道濟林子奮擊大破之斬獲以千數紹退屯定城

郭緣生述

征記曰定城去潼關三十里
夾道各一城渭水逕其北

據險拒守謂諸將曰道濟

等兵力不多懸軍深入不過堅壁以待繼援吾分軍絕

其糧道可坐禽也乃遣姚鸞屯大路以絕道濟糧道

自

池西入關有兩路南路由回谿阪自漢以前皆由之曹
公惡南路之險更開北路遂以北路為大路載記曰紹
留鸞守險以絕道濟糧道蓋鸞雖屯大路亦據險而邀
絕糧道也紹初遣胡翼度據東原蓋與大路相為唇齒

所謂據險也及沈林子襲驚營翼度不能救何也人心危駭面面受敵故也

驚遣尹雅將兵

與晉戰於關南

關南潼關之南也

為晉兵所獲將殺之雅曰雅

前日已當死幸得脫至今死固甘心然夷夏雖殊

夏戶雅翻

君臣之義一也晉以大義行師獨不使秦有守節之臣

乎乃免之丙子夜沈林子將銳卒襲驚營斬驚殺其士

卒數千人紹又遣東平公讚屯河上以斷水道

斷丁管翻下兵

斷沈林子擊之讚敗走還定城薛帛據河曲來降

河水自蒲

阪南至潼關激而東流蒲阪河北之間謂之河曲

太尉裕將水軍自淮泗入清

河將汴河西上

上時掌翻下必上北上同

先遣使假道於魏

史使疏

秦

主泓亦遣使請救於魏魏主嗣使羣臣議之皆曰潼關

天險劉裕以水軍攻之甚難若登岸北侵其勢便易

以易

翻裕聲言伐秦其志難測且秦婚姻之國不可不救也

秦女歸魏見上卷十一年

宜發兵斷河上流勿使得西博士祭酒崔

浩曰裕圖秦久矣今姚興死子泓懦劣國多內難

難乃旦翻

裕乘其危而伐之其志必取若遏其上流裕心忿戾必

上岸北侵是我代秦受敵也今柔然寇邊民食又乏若

復與裕為敵發兵南赴則北寇愈深救北則南州復危

南州謂魏之南境相州
潁河諸郡復扶又翻

非良計也不若假之水道聽裕

西上然後屯兵以塞其東

塞悉則翻

使裕克捷必德我之假

道不捷吾不失救秦之名此策之得者也且南北異俗

借使國家棄恒山以南

恒戶登翻

裕必不能以吳越之兵與

吾爭守河北之地安能為吾患乎夫為國計者惟社稷
是利豈顧一女子乎議者猶曰裕西入關則恐吾斷其
後腹背受敵北上則姚氏必不出關助我其勢必聲西

而實北也嗣乃以司徒長孫嵩督山東諸軍事

長知兩翻

又

遣振威將軍娥清

孫恂曰城姓也

冀州刺史阿薄干

魏書官氏志內入諸

姓阿伏干氏後為阿氏

將步騎十萬屯河北岸庚辰裕引軍入河

以左將軍向彌為北青州刺史留戍碯礫

晉氏南渡僑置青州於江

北裕平廣固置北青州於東陽而江北之青州如故今向彌以北青州刺史戍碯礫東陽之青州亦如故向式

亮初裕命王鎮惡等若克洛陽須大軍到俱進鎮惡等

乘利徑趨潼關

趙七喻翻

為秦兵所拒不得前久之乏食衆

心疑懼或欲棄輜重還赴大軍

重直用翻

沈林子按劍怒曰

相公志清六合今許洛已定關右將平事之濟否繫於

前鋒奈何沮乘勝之氣棄垂成之功乎

沮在呂翻

且大軍尚

遠賊衆方盛雖欲求還豈可得乎下官授命不顧

論語子張

曰士見危授命

今日之事當自為將軍辦之

為于偽翻

未知二三君

子將何面以見相公之旗鼓邪

相公謂裕也

鎮惡等遣使馳

告裕求遣糧援裕呼使者開舫北戶

使疏吏翻舫南安翻方舟也大舟也

指河上魏軍以示之曰我語令勿進今輕佻深入

語牛倨翻

佻他雕翻

岸上如此何由得遣軍鎮惡乃親至弘農說諭百

姓

說輪
為翻

百姓競送義租軍食復振

復扶又翻下
則復子復同

魏人以

數千騎緣河隨裕軍西行軍人於南岸牽百丈

百丈者
所以挽

船今南人用麻繩北人以竹為之陸游曰
蜀人百丈以巨竹四破為之大如人臂

風水迅急有

漂渡北岸者

漂匹
招翻

輒為魏人所殺略裕遣軍擊之裁登

岸則走退則復來夏四月裕遣白直隊主丁昨

裕選白
丁之壯

勇者入直左右使昨領之杜佑帥仗士七百人車百乘

曰白直無月給之數昨阮古翻

帥讀曰率
衆繩誼翻

渡北岸去水百餘步為却月陣兩端抱河車

置七仗士事畢使豎一白旄

豎上主翻說文曰豎立
也旄仍吏翻續羽為之魏

人不解其意

解戶買翻曉也

皆未動裕先命寧朔將軍朱超石

戒嚴白牒既舉超石帥二千人馳往赴之齋大弩百張

一車益二十人設彭排於轅上魏人見營陣既立乃進

圍之長孫嵩帥三萬騎助之四面肉薄攻營

薄普各翻肉薄者以

身迫營血戰

弩不能制時超石別齋大鎚及稍千餘張

鎚傳為翻

乃斷稍長三四尺以鎚鎚之一稍輒洞貫三四人魏兵

不能當一時奔潰死者相積臨陣斬阿薄干魏人退還

畔城

斷丁管翻長直亮翻陳與陣同魏收地形志平原郡聊城縣有畔城

超石帥寧朔將

軍胡藩寧遠將軍劉榮祖追擊又破之殺獲千計魏主

嗣聞之乃恨不用崔浩之言秦魯公紹遣長史姚洽寧

朔將軍安鸞護軍姚墨蠡

燕魯
戈翻

河東太守唐小方帥衆

三千屯河北之九原阻河為固欲以絕檀道濟糧援

載記

曰紹欲以絕
弘農諸縣糧援

沈林子邀擊破之斬洽墨蠡小方殺獲

殆盡林子因啟太尉裕曰紹氣蓋關中今兵屈於外國

危於內恐其凶命先盡不得以膏齊斧耳

齊讀曰資應
劭曰齊利也

張晏曰齊如字征伐斧也以整齊天下也一紹聞洽等

說齊作齊凡師出入齊戒入廟而受斧鉞也

紹聞洽等

敗死憤恚發病嘔血以兵屬東平公讚而卒

恚於避翻屬之欲翻

卒子讚既代紹衆力猶盛引兵襲林子林子復擊破之

復扶又翻

太尉裕至洛陽行視城塹

行下孟翻

嘉毛脩之完葺之

功賜衣服玩好直二千萬

好呼到翻

丁巳魏主嗣如高柳

壬戌還平城河西王蒙遜大赦遣張掖太守沮渠廣

宗詐降以誘涼公歆

沮子余翻降戶江翻下同

歆發兵應之蒙遜將

兵三萬伏於蓼泉

新唐書地理志甘州張掖郡西北百九十里有祁連山山北有建康軍軍

西百二十里有蓼泉守捉城

歆覺之引兵還蒙遜追之歆與戰於解

支澗

解支澗晉書作鮮支澗當從之

大破之斬首七千餘級蒙遜城建

康置戍而還

五月乙未齊郡太守王懿降於魏上書

言劉裕在洛宜發兵絕其歸路可不戰而克魏主嗣善

之崔浩侍講在前嗣問之曰劉裕伐姚泓果能克乎對

曰克之嗣曰何故對曰昔姚興好事虛名而少實用子

泓懦而多病兄弟乖爭

好呼到翻少詩治翻謂
弼懿恢皆與泓爭國

裕乘其

危兵精將勇何故不克

將即

翻

嗣曰裕才何如慕容垂對

曰勝之垂藉父兄之資修復舊業國人歸之若夜蟲之

就火少加倚仗易以立功

易少詩洛翻

劉裕奮起寒微不

階尺土討滅桓玄興復晉室

事見一百一十三卷元興三年

北禽慕容

超

事見一百一十五卷五年六年

南景廬循

事見六年七年集堅堯翻

所向無前非

其才之過人安能如是乎嗣曰裕既入關不能進退我

以精騎直擣彭城壽春

奇騎奇翻

裕將若之何對曰今西有

屈丐

北史曰明元改赫連勃勃名曰屈丐北方言屈丐者卑下也

北有柔然窺伺國

隙

吏同相翻

陛下既不可親御六師雖有精兵未睹良將

將即

亮

長孫嵩長於治國短於用兵非劉裕敵也

治直之翻下同

興

兵遠攻未見其利不如且安靜以待之

凡兵之動知敵之主知敵之將

此之謂也

裕克秦而歸必塞其主關中華戎雜錯風俗勁悍

悍侯吁翻又下罕翻

裕欲以荆揚之化施之函秦此無異解衣包

火張羅捕虎雖留兵守之人情未洽趨尚不同適足為

寇敵之資耳

赫連之得關中崔浩固料之矣

願陛下按兵息民以觀其

變秦地終為國家之有可坐而守也嗣笑曰卿料之審

矣浩曰臣嘗私論近世將相之臣若王猛之治國苻堅

之管仲也

治直翻

慕容恪之輔幼主慕容暉之霍光也劉

裕之平禍亂司馬德宗之曹操也嗣曰屈丐何如浩曰

屈丐國破家覆孤孑一身

才居列國單也

寄食姚氏受其封殖

不思疇恩報義而乘時徼利盜有一方

事見一百一十四卷三年徼一

遙結怨四隣

謂與魏秦涼構怨也

擧豎小人

擧與掘同其月翻擧豎言擧起自豎立也

雖能縱暴一時終當為人所吞食耳嗣大悅語至夜半

賜浩御縹醪十觚

縹匹紹翻青白色曰縹醪酒曰醪觚飲器受三升此魏主所自御者故曰

御縹醪

水精鹽一兩

鹽透明如水精故謂之水精鹽

曰朕味卿言如此鹽

酒故欲與卿共饗其美然猶命長孫嵩叔孫建各簡精

兵伺裕西過自成臯濟河南侵彭沛若不時過則引兵

隨之

彭沛謂彭城沛郡也

魏主嗣西巡至雲中遂濟河畋于大

漠 魏置天地四方六部大人以諸公為之

諸公謂時居公位及

位從公者

秋七月太尉裕至陝

陝式冉翻

沈田子傳弘之入武

關秦戍將皆委城走

將即亮翻

田子等進屯清泥秦主泓使

給事黃門侍郎姚和都屯嶢柳以拒之

嶢音堯

西秦相

國翟勅卒

勅渠京翻

八月以尚書令曇達為左丞相左僕射

元基為右丞相御史大夫麴景為尚書令侍中翟紹為

左僕射

翟勅既卒雲達皆序遷通鑑即西秦舊史書之雲徒含翻

太尉裕至閬鄉

閬音

沈田子等將攻嶢柳秦主泓欲自將以禦裕軍

將即

亮翻恐田子等襲其後欲先擊滅田子等然後傾國東出

乃帥步騎數萬奄至青泥

帥讀曰率騎奇寄翻

田子本為疑兵所

領裁千餘人聞泓至欲擊之傅弘之以衆寡不敵止之

田子曰兵貴用奇不必在衆且今衆寡相懸勢不兩立

若彼結圍既固則我無所逃矣不如乘其始至營陳未

立先薄之可以有功遂帥所領先進弘之繼之秦兵合

圍數重

陳讀曰陣重直龍翻

田子撫慰士卒曰諸君冒險遠來正

求今日之戰死生一決封侯之業於此在矣士卒皆踴

躍鼓譟執短兵奮擊秦兵大敗

沈田子以千餘人敗姚泓數萬之衆者置兵死

地人自為戰也斬馘萬餘級得其乘輿服御物

乘繩證翻

秦主泓犇

還灞上初裕以田子等衆少

少詩洛翻

遣沈林子將兵自秦

嶺往助之

秦嶺在長安南班固西都賦所謂前乘秦嶺自此出藍田關裕蓋遣林子自陽華循山西

南至秦嶺

至則秦兵已敗乃相與追之關中郡縣多潛送款

於田子辛丑太尉裕至潼關以朱超石為河東太守使

與振武將軍徐猗之會薛帛於河北共攻蒲阪秦平原

公璞與姚和都共擊之

姚和都蓋青泥既敗而奔蒲阪也或曰和都當作成都

猗

之敗死超石犇還潼關東平公讚遣司馬國璠引魏兵

以躡裕後

璠字來翻躡尼輒翻

王鎮惡請帥水軍自河入渭以趨

長安

帥讀曰率水經河水歷船司空與渭水會春秋之渭汭即其地也趨七喻翻

裕許之秦

恢武將軍姚難自香城引兵而西

香城在渭水之北蒲津之口恢武將軍蓋

姚秦創置

鎮惡追之秦主泓自灊上引兵還屯石橋以為之

援

石橋在長安城洛門東北有石橋水經註曰石橋水南出馬嶺山積石據其東驪山距其西其水北逕鄭

城西水上有橋東去鄭城十里故世以橋名水鎮北將
三輔黃圖曰洛門長安城北出東頭第一門

軍姚彊與難合兵屯涇上以拒鎮惡

涇水出安定涇縣開頭山東南至

陽陵入渭此涇上在漢京兆陽陵界

鎮惡使毛德祖進擊破之彊死難奔

長安東平公讚退屯鄭城太尉裕進軍逼之泓使姚丕

守渭橋胡翼度屯石積東平公讚屯灊東泓屯逍遙園

水經註沈水上承樊川皇子陂北逕長安城西與昆明池水合其枝津東北流逕鄧艾祠南又東分為二水一

水入道

鎮惡汧渭而上

上時掌翻

乘蒙衝小艦行船者皆在

艦內秦人見艦進而無行船者皆驚以為神

艦戶

壬戌

旦鎮惡至渭橋令軍士食畢皆持仗登岸後登者斬衆
既登渭水迅急艦皆隨流倏忽不知所在時泓所將尚
數萬人

將即亮翻

鎮惡諭士卒曰吾屬並家在江南此為長

安北門去家萬里舟楫衣糧皆已隨流今進戰而勝則
功名俱顯不勝則骸骨不返無他岐矣

岐旁出之道

卿等勉

之乃身先士卒

先悉薦翻

衆騰踴爭進大破姚丕於渭橋泓

引兵救之為丕敗卒所蹂踐不戰而潰姚謨等皆死

蹂踐人

九翻踐慈演

泓單馬還宮鎮惡入自平朔門

漢無平朔門蓋長安

城北門也後人改其名耳泓與姚裕等數百騎逃犇石橋東平公讚

聞泓敗引兵赴之衆皆潰去胡翼度降于太尉裕泓將

出降其子佛念年十一言於泓曰晉人將逞其欲雖降

必不免不如引決

降戶江翻引決謂自裁也

泓撫然不應

撫音武悵也失意貌

佛念登宮牆自投而死

姚佛念雖不及劉謫然以童稚之年氣烈如此亦可尚也

癸

亥泓將妻子羣臣詣鎮惡壘門請降鎮惡以屬吏

屬之欲翻

城中夷晉六萬餘戶鎮惡以國恩撫慰號令嚴肅百姓

安堵九月太尉裕至長安鎮惡迎於灊上裕勞之曰成

吾霸業者卿也鎮惡再拜謝曰明公之威諸將之力鎮

惡何功之有裕笑曰卿欲學馮異邪

謂馮異謙退不伐而能定關中

鎮

惡性貪秦府庫盈積鎮惡立取不可勝紀

勝音升

裕以其

功大不問或譖諸裕曰鎮惡歲姚泓偽輦將有異志裕

使人覘之

覘丑廉翻又丑鮑翻

鎮惡剔取其金銀棄輦於垣側裕

意乃安裕收秦彝器渾儀土圭記里鼓指南車送詣建

康

左傳祝佗曰成王分魯公以官司彝器杜預註彝器常用之器漢武帝時洛下閭鮮于妄人取壽昌造員

儀以考歷度和帝時賈逵又加黃道順帝時張衡又制渾象具內外規黃赤道南北極列二十四氣二十八宿

中外星官及日月五緯以漏水轉之於殿上室內星中
出沒與天相應其後吳陸績造渾象王蕃制渾儀舊渾
象以二分為一度凡周七尺三寸半分張衡更制以四
分為一度凡周一丈四尺六寸王蕃以古制局小星辰
稠概衡器傷大難可轉移更制渾象以三分為一度凡
周天一丈九寸五分分之三周禮大司徒以土圭之法
測土深正日景以求地中日南則景短多暑日北則景
長多寒日東則景夕多風日西則景朝多陰日至之景
尺有五寸謂之地中註云土圭所以致四時日月之景
也鄭司農云測土深謂南北東西之深也日南立表處
太南近日也日北謂立表處太北遠日也景夕謂日昃
景乃中立表處太東近日也景朝謂日未中而景中立
表處太西遠日也玄謂晝漏半而置土圭表陰陽審
南北景短於土圭謂之日南是地於日為近南也景長
於土圭謂之日北是地於日為近北也東於土圭謂之
日東是地於日為近東也西於土圭謂之日西是地於

日為近西也如是則寒暑陰風偏而不和是未得其所求凡日景於地千里而差一寸鄭司農又云土圭之長尺有五寸以夏至之日立八尺之表其景適與土圭等謂之地中今潁川陽城地為然晉與服志記里鼓車駕四馬制如司南車崔豹古今注曰大章車所以識道里也起於西京亦曰記里車車上有二層皆有木人行一里下層擊鼓行十里上層擊鐃黃帝作指南車晉與服志司南車一名指南車駕四馬其下制如樓三級四角金龍銜羽葆刻木為仙人衣羽衣立車上車雖回轉手常南指大駕出行為先啟之乘蕭子顯曰指南車四周廂上施屋指南人衣裙襦天衣在廂中上四角皆施龍才干緣帷色青孔雀旄烏布阜複幔漆畫輪駕牛皆銅校飾記里鼓車制如指南上施華蓋其餘金玉繒帛珍才織衣漆畫鼓機皆在內渾戶本翻

寶皆以頒賜將士

繒慈陵翻

秦平原公璞并州刺史尹昭以

蒲阪降東平公讚帥宗族百餘人詣裕降

降戶江翻

裕

皆殺之送姚泓至建康斬於市

孝武太元九年姚萇建國改元白雀歲在甲申

傳三主三十裕以薛辯為平陽太守使鎮捍北道裕議

四年而亡

遷都洛陽諮議參軍王仲德曰非常之事固非常人所

及必致駭動今暴師日久士卒思歸遷都之計未可議

也裕乃止羌衆十餘萬口西奔隴上沈林子追擊至槐

里俘虜萬計

姚氏羌也姚氏既滅故羌衆西奔

河西王蒙遜聞太尉裕

滅秦怒甚門下校郎劉祥入言事

自曹操孫權置校事司察羣臣謂之校郎

後遂因之蒙遜置諸曹校郎如門下校郎中兵校郎是也蒙遜曰汝聞劉裕入關敢

研研然也遂斬之

楊正衡曰研五見翻然有其音而無其義河西士民乃心晉室蒙遜胡人

竊據其上聞裕入關慮其響應故斬祥以威衆以鎮服其心也森雄之喜怒豈苟然哉魏書沮渠傳作妍妍華

人服飾妍靡自喜故蒙遜云然初夏王勃勃聞太尉裕妍讀如字音義皆通當從魏書

伐秦謂羣臣曰姚泓非裕敵也且其兄弟內叛安能拒

人裕取關中必矣然裕不能久留必將南歸留子弟及

諸將守之

將即亮翻下鎮將同

吾取之如拾芥耳乃秣馬礪兵訓

養士卒進據安定秦嶺北郡縣鎮戍皆降之裕遣使遺

勃勃書

降戶江翻使疏吏翻遺于李翻

約為兄弟勃勃使中書侍郎皇

甫徽為報書而陰誦之對裕使者口授舍人使書之裕

讀其文歎曰吾不如也

史言夷豪多權數

廣州刺史謝欣卒

東海人徐道期聚眾攻陷州城進攻始興始興相彭城

劉謙之討誅之詔以謙之為廣州刺史 癸酉司馬休

之司馬文思司馬國璠司馬道賜魯軌韓延之刁雍王

慧龍及桓溫之孫道度道子族人桓謐桓璲陳郡袁式

等皆詣魏長孫嵩降

姚秦既滅司馬休之等懼為裕所誅故皆降魏璠孚袁翻雍於容翻

璽音遂降
戶江翻

秦匈奴鎮將姚成都及弟和都舉鎮降魏

主嗣詔民間得姚氏子弟送平城者賞之冬十月己酉

嗣召長孫嵩等還司馬休之尋卒於魏

卒子恤翻

魏賜國璫

爵淮南公道賜爵池陽子魯軌爵襄陽公刁雍表求南

鄙自效嗣以雍為建義將軍

建義將軍魏以是號寵刁雍言使之建義以復父兄

仇之雍聚眾於河濟之間

濟子禮翻

擾動徐兗太尉裕遣兵討

之不克雍進屯固山眾至二萬 詔進宗公爵為王增

封十郡辭不受 西秦王熾磐遣左丞相曇達等擊秦

故將姚父

父秦上邽之鎮將將即亮翻

父遣使稱藩

使疏

熾磐以父

為征東大將軍秦州牧徵王松壽為尚書左僕射

十二年熾

磐遣松壽屯馬頭以通秦之上邽上邽降故徵還

十一月魏叔孫建等討西

山丁零翟蜀洛支等平之

西山魏安州之西山

辛未劉穆之卒

太尉裕聞之驚慟哀惋者累日

卒子恤翻為貫翻

始裕欲留長

安經略西北而諸將佐皆久役思歸多不欲留

將即亮翻

會

穆之卒裕以根本無託遂決意東還

還從宣翻又如字

穆之

卒也朝廷恒懼

恒音匡怯也

欲發詔以太尉左司馬徐羨之

代之中軍諮議參軍張邵曰今誠急病任終在徐然世

子無專命宜須諮之裕欲以王弘代穆之從事中郎謝

晦曰休元輕易不若羨之

王弘字休元
易以政翻

乃以羨之為吏

部尚書建威將軍丹陽尹代管留任於是朝廷大事常

決於穆之者並悉北諮裕以次子桂陽公義真為都督

雍梁秦三州諸軍事安西將軍領雍東秦二州刺史

雍於

用翻義真時年十二以太尉諮議參軍京兆王脩為長史

王鎮惡為司馬領馮翊太守沈田子毛德祖皆為中兵

參軍仍以田子領始平太守德祖領秦州刺史天水太守傅弘之為雍州治中從事史先是隴上流戶寓關中

者望因兵威得復本土及置東秦州

時裕未得天水東秦州即毛德祖所

領或曰裕置東秦州使義真兼領先悉薦翻

知裕無復西略之意

復扶又皆反下同

歎息失望關中人素重王猛裕之克長安王鎮惡功為

多由是南人皆忌之沈田子自以嶢柳之捷與鎮惡爭

功不平裕將還田子及傅弘之屢言於裕曰鎮惡家在

關中不可保信裕曰今留卿文武將士精兵萬人彼若

欲為不善正足自滅耳勿復多言裕私謂田子曰鍾會

不得遂其亂者以有衛瓘故也

會瓘事見七十八卷魏元帝咸熙元年

語

曰猛獸不如羣狐卿等十餘人何懼王鎮惡

為沈田子殺王鎮惡

張本

臣光曰古人有言疑則勿任任則勿疑裕既委鎮惡

以關中而復與田子有後言是鬪之使為亂也惜乎

百年之寇千里之土得之艱難失之造次

造七使豐到翻

鄒之都復輸寇手

鄒音浩

荀子曰兼并易能也堅凝之

難信哉

三秦父老聞裕將還詣門流涕訴曰殘民不需王化於
今百年始覩衣冠人人相賀長安十陵是公家墳墓咸

陽宮殿是公家室宅

漢高帝長陵惠帝安陵文帝霸陵
景帝陽陵武帝茂陵昭帝平陵宣

帝杜陵元帝渭陵成帝延陵哀帝義陵平帝康陵皆在
關中凡十一陵言十者舉大數也長安咸陽宮殿皆漢
故跡裕劉氏子孫故父
老以是為言而留之捨此欲何之乎裕為之愍然為

偽慰諭之曰受命朝廷不得擅留誠多諸君懷本之志

今以次息

次息猶言
次子也

與文武賢才共鎮此境勉與之居

十二月庚子裕發長安自洛入河開汴渠而歸

汴音卞

氏豪徐駭奴齊元子等擁部落三萬在雍遣使請降於

魏

雍於用翻使疏吏翻降戶江翻

魏主嗣遣將軍王洛生河內太守楊

聲等西行以應之 閏月壬申魏主嗣如大寧長川

秦雍人千餘家推襄邑令上谷寇讚為主以降於魏

秦讚

之襄邑魏主嗣拜讚魏郡太守久之秦雍人流入魏之

今也

河南滎陽河內者戶以萬數嗣乃置南雍州以讚為刺

史封河南公治洛陽

治直之翻

立雍州郡縣以撫之讚善於

招懷流民歸之者三倍其初 夏王勃勃聞太尉裕東

還大喜

善用兵者觀釁而動

問於王買德曰朕欲取關中卿試言

其方略買德曰關中形勝之地而裕以幼子守之狼狽

而歸正欲急成篡事耳不暇復以中原為意

劉裕之心事崔浩王

買德皆知之復扶又翻

此天以關中賜我不可失也青泥上洛南

北之險要宜先遣遊軍斷之東塞潼關

斷丁管翻塞悉則翻

絕其

水陸之路然後傳檄三輔施以威德則義真在網罟之

中不足取也

勃勃敗義真取關中卒如買德之計罟音古

勃勃乃以其子撫

軍大將軍瑣都督前鋒諸軍事帥騎二萬向長安

瑣古回翻

帥讀曰率騎奇寄翻

前將軍昌屯潼關以買德為撫軍右長史屯

青泥

劉裕得洛陽而不能禁寇讚窺伺於其側使義真守關中而不能禁夏兵之斷潼關青泥南歸彭城

席未煖而義真敗既棄天下肉未寒而四鎮失宜也

勃勃將大軍為後繼

將即亮翻下同

是歲魏都坐大官章安侯封懿卒

坐徂卧翻

十四年春正月丁酉朔魏主嗣至平城命護高車中郎

將薛繁帥高車丁零北略至弱水而還

魏做漢置匈奴中郎將之官置

護高車中郎將帥讀曰率

辛巳大赦夏赫連瑒至渭陽關中民

降之者屬路

降戶江翻
屬之欲翻

龍驤將軍沈田子將兵拒之

思驤

將畏其衆盛退屯劉迴堡遣使還報王鎮惡鎮惡謂王

脩曰公以十歲兒付吾屬當共思竭力而擁兵不進虜

何由得平使者還以告田子田子與鎮惡素有相圖之

志由是益忿懼未幾鎮惡與田子俱出北地以拒夏兵

赫連璜已至渭陽王沈烏能出北地乎此
言北地者謂長安以北之地耳幾居豈翻軍中訛言鎮

惡欲盡殺南人以數十人送義真南還因據關中反辛

亥田子請鎮惡至傳弘之營計事田子求屏人語

屏必
野翻

使其宗人沈敬仁斬之幕下矯稱受太尉令誅之弘之

犇告劉義真義真與王脩被甲登橫門以察其變

橫門長安

城北出東頭第一門被皮義翻橫音光

俄而田子帥數十人來言鎮惡反

脩執田子數以專戮斬之

數所以具翻

以冠軍將軍毛脩之代

鎮惡為安西司馬

冠古玩翻

傳弘之大破赫連瓚於池陽又

破之於寡婦渡

按宋白續通典今慶州北十五里有寡婦山蓋水發源是山其下流為寡婦渡

斬獲甚衆夏兵乃退壬戌太尉裕至彭城解嚴琅邪王

德文先歸建康裕聞王鎮惡死表言沈田子忽發狂易

奄害忠勲

狂易謂病狂而變
易其常心易如字

追贈鎮惡左將軍青州刺

史以彭城内史劉遵考為并州刺史領河東太守鎮蒲

阪徵荊州刺史劉道憐為徐兗二州刺史裕欲以世子

義符鎮荊州以徐州刺史劉義隆為司州刺史鎮洛陽

中軍諮議張邵諫曰

諮議諮議
參軍也

儲貳之重四海所繫不

宜處外

處昌
呂翻

乃更以義隆為都督荆益寧雍梁秦六州

諸軍事西中郎將荊州刺史

更工衡翻
雍於用翻

以南郡太守到

彥之為南蠻校尉張邵為司馬領南郡相冠軍功曹王

曇首為長史

冠古玩翻
曇徒含翻

北徐州從事王華為西中郎主

簿

晉置南徐州於京口北徐州仍治彭城到
之王曇首王華輔義隆入立遂居將相之任

沈林子

為西中郎參軍義隆尚幼府事皆決於邵曇首弘之弟

也裕謂義隆曰王曇首沈毅有器度宰相才也汝每事

諮之

沈持
林翻

以南郡公劉義慶為豫州刺史義慶道憐之

子也裕解司州領徐冀二州刺史秦王熾磐以乞伏

木奕干為沙州刺史鎮樂都

樂音洛

二月乙弗烏地延帥

戶二萬降秦

三月遣使聘魏

使疏
吏翻

夏四月己巳魏

徙冀定幽三州徙河於代都

魏主珪皇始二年克中山置安州又立行臺以鎮撫

其民天興三年改曰定州領中山常山鉅鹿博陵北平河間高陽趙郡宋白曰初置安州尋改定州以安定天下為名徙河蓋徙河之民徙慕容入中國留居三州者魏人因謂之徙河

初和龍有赤氣

四塞蔽日

塞悉則翻

自寅至申燕太史令張穆言於燕王跋

曰此兵氣也今魏方彊盛而執其使者

謂留于什門也事見一百十六

卷義熙十年

好命不通臣竊懼焉

好呼到翻

跋曰吾方思之五月

魏主嗣東巡至濡源及甘松

滿乃官翻

遣征東將軍長孫道

生安東將軍李先給事黃門侍郎奚觀帥精騎二萬襲

燕

觀古玩翻坤讀
曰率騎奇奇翻

又命驍騎將軍延普幽州刺史尉諾

自幽州引兵趨遼西為之聲勢

魏書官氏志內入諸姓
可地延氏為延氏驍堅

堯翻西方尉遲氏後
改為尉氏尉音鬱

嗣屯突門嶺以待之道生等拔乙

連城進攻和龍與燕單于右輔古泥戰破之

義熙七年
跋置單于

四輔單
音蟬

殺其將皇甫規

將即
亮翻

燕王跋嬰城自守魏人攻

之不克掠其民萬餘家而還

還從宣翻
又如字

六月太尉裕

始受相國宋公九錫之命

十二年命下
至是乃受

赦國中殊死以

下崇繼母蘭陵蕭氏為太妃以太尉軍諮祭酒孔靖為

宋國尚書令左長史王弘為僕射領選

選須
謁翻

從事中郎

傅亮蔡廓皆為侍中謝晦為右衛將軍右長史鄭鮮之

為奉常行參軍殷景仁為祕書郎其餘百官悉依天朝

之制

朝直選
翻下同

靖辭不受亮咸之孫

傳咸仕于武帝
之間以直顯

廓謨

之曾孫

蔡謨歷事成康穆三朝
出藩入輔皆有聲績

鮮之渾之玄孫

鄭渾見
六十六

卷漢獻帝建
安十七年

景仁融之曾孫也

殷融見九十四卷
成帝咸和三年

景仁

學不為文敏有思致

思相
吏翻

口不談義深達理體至於國

典朝儀舊章記注莫不撰錄

撰士
免翻

識者知其有當世之

志 魏天部大人白馬文貞公崔宏疾篤

去年魏置天
地四方六部

大魏主遣侍臣問病一夜數返及卒詔羣臣及附國渠

帥皆會葬

渠大也卒子恤
翻坤所類翻

秋七月戊午魏主嗣至平

城 九月甲寅魏人命諸州調民租戶五十石積於定

相冀三州

魏主珪天興四年置相州于鄴領魏陽平廣
平汲郡東郡頓丘濮陽清河等郡冀州所領

止長樂渤海武邑章武樂陵
而已調徙弔翻相息亮翻

河西王蒙遜復引兵伐

涼

復扶又翻
下復歸同

涼公歆將拒之左長史張體順固諫乃止

蒙遜芟其秋稼而還

芟所
銜翻

歆遣使來告襲位冬十月以

歆為都督七郡諸軍事鎮西大將軍酒泉公

都督燉煌酒泉晉興

建康涼興及歆父嵩所置會稽廣夏凡七郡

姚弋叛秦降河西王蒙遜

姚弋

稱藩於乞伏事見上年降戶江翻

蒙遜引兵迎之弋叔父雋言於衆曰

秦王寬仁有雅度自可安居事之何為從河西王西遷

衆咸以為然乃相與逐弋推雋為主復歸於秦秦王熾

磐徵雋為侍中中書監賜爵隴西公以左丞相曇達為

都督洮罕以東諸軍事征東大將軍秦州牧鎮南安

洮罕

謂臨洮杞罕也曇徒含翻洮土刀翻

劉義真年少

少詩照翻

賜與左右無節

王脩每裁抑之左右皆怨譖脩於義真曰王鎮惡欲反故沈田子殺之脩殺田子是亦欲反也義真信之使左右劉乞等殺脩脩既死人情離駭莫相統壹義真悉召

外軍入長安

外軍謂屯蒲阪以捍魏屯渭北以捍夏之軍也

閉門拒守關中郡

縣悉降於夏赫連瓚夜襲長安不克

降戶江翻瓚古回翻

夏王勃

勃進據咸陽長安樵采路絕宋公裕聞之使輔國將軍

蒯恩如長安召義真東歸

蒯苦怪翻

以相國右司馬朱齡石

為都督關中諸軍事右將軍雍州刺史代鎮長安

晉先置雍

州於襄陽北為北
雍州雍於用翻

裕謂齡石曰卿至可勅義真輕裝速

發既出關然可徐行

然下當有後字

若關右必不可守可與義

真俱歸又命中書侍郎朱超石慰勞河洛

勞力到翻

十一月

齡石至長安義真將士貪縱大掠而東

將即亮翻

多載寶貨

子女方軌徐行雍州別駕韋華彝夏

韋華本姚氏臣也裕用為雍州別駕

赫連瑱帥眾三萬追義真建威將軍傅弘之曰公處分

亟進今多將輜重

帥讀曰率處昌呂翻分扶問翻重直用翻

一日行不過十

里虜追騎且至

騎奇寄下同

何以待之宜棄車輕行乃可以

免義真不從俄而夏兵大至傅弘之崩恩斷後

斷丁管翻

力

戰連日至青泥晉兵大敗弘之恩皆為王買德所禽

買德

先屯青泥故二將為所逮而見禽

司馬毛脩之與義真相失亦為夏兵

所禽義真行在前會日暮夏兵不窮追故得免左右盡

散獨逃草中中兵參軍段宏單騎追尋緣道呼之義真

識其聲出就之曰君非段中兵邪身在此行矣

晉人多自稱為

身必不兩全可刎身頭以南使家公望絕

魏晉之間凡人子者稱其

父曰家公人稱之曰尊公刎扶粉翻

宏泣曰死生共之下官不忍乃束義

真於背單馬而歸義真謂宏曰今日之事誠無算略然

丈夫不經此何以知艱難夏王勃勃欲降傅弘之

江降戶翻

弘之不屈勃勃裸之弘之叫罵而死

裸郎果翻

勃勃積人頭

為京觀號曰髑髏臺

觀古玩翻髑髏徒谷翻髑髏洛侯翻

長安百姓逐朱齡

石齡石焚其宮殿犇潼關

義真既大掠長安而歸長安之人固仇視晉人也齡石奉

宋公之命與義真俱歸可笑癡坐長安以待運何歟

勃勃入長安大饗將士舉觴

謂王買德曰卿往日之言一暮而驗可謂算無遺策此

觴所集非卿而誰以買德為都官尚書封河陽侯龍驤

將軍王敬先成曹公壘

曹公壘在潼關曹操伐韓馬所寨也驟思將

翻齡石往

從之朱超石至蒲阪聞齡石所在亦往從之赫連昌攻

敬先壘斷其水道

斷丁管翻

衆渴不能戰城且陷齡石謂超

石曰弟兄俱死異域使老親何以為心爾求間道亡歸

間古苑翻

我死此無恨矣超石持兄泣曰人誰不死寧忍今

日辭兄去乎遂與敬先及右軍參軍劉欽之皆被執送

長安勃勃殺之

被皮義翻

欽之弟秀之悲泣不歡燕者十年

欽之穆之之從兄子也

從才用翻

宋公裕聞青泥敗未知義

真存亡刻日北伐

使裕能復北伐則聞青泥之敗當投袂而起矣何待刻日乎英雄所為固

非常人所測識也

侍中謝晦諫以士卒疲弊請俟他年不從

晦請

俟他年亦裕所謂識機變者也鄭鮮之之言則異於是

鄭鮮之上表以為虜聞殿

下親征必併力守潼關徑往攻之恐未易可克

易以

若

與駕頓洛則不足上勞聖躬且虜雖得志不敢乘勝過

陝者猶攝服大威

陝失冉翻攝讀曰攝

為將來之慮故也若造洛

而反虜必更有揣量之心或益生邊患

造七到翻揣初委翻量音良

初

況大軍遠出後患甚多昔歲西征劉鍾狼狽

謂十一年盜襲治亭

時也去年北討廣州傾覆

謂徐道期陷廣州也

既往之效後來之鑒

也今諸州大水民食寡乏三吳羣盜攻沒諸縣皆由困

於征役故也江南士庶引領顚顚

顚魚容翻

以望殿下之返

旆聞更北出不測淺深之謀往還之期臣恐返顧之憂

更在腹心也若慮西虜更為河洛之患者宜結好北虜

北虜親則河南安

北虜魏也好呼到翻

河南安則濟泗靜矣

濟子禮翻

會得段宏啟知義真得免裕乃止但登城北望慨然流涕而已降義真為建威將軍司州刺史以段宏為宗臺

黃門郎領太子右衛率

率所律翻

裕以天水太守毛德祖為

河東太守代劉遵考守蒲阪

裕雖知德祖善守而用之然人心已搖宜其不能固

也為下德祖
景清阪張本

夏王勃勃築壇於灊上即皇帝位改元

昌武西秦王熾磐東巡十二月徙上邽民五千餘戶

于枹罕

枹音膚

彗星出天津入太微經北斗絡紫微

晉書

天文志曰箕四星一曰天津又曰天漢經尾箕之間謂之漢津太微天子庭也在北斗南紫微十五星在北斗

北彗祥歲翻

八十餘日而滅魏主嗣復召諸儒

復扶術士問

之曰今四海分裂災咎之應果在何國朕甚畏之卿輩

盡言勿有所隱衆推崔浩使對浩曰夫災異之興皆象

人事人苟無憂又何畏焉

覲許覲翻

昔王莽將篡漢彗星出

入正與今同

漢書天文志曰哀帝建平二年彗星出牽牛七十餘日傳曰彗者所以除舊布新牽

牛日月五星所從起三正之始彗而出之改更之象也其後卒有王莽篡國之禍

國家主尊臣

卑民無異望晉室陵夷危亡不遠彗之為異其劉裕將

篡之應乎衆無以易其言

宋公裕以讖云昌明之後

尚有二帝

晉書帝紀曰初簡文帝見讖云晉祚盡昌明及孝武帝之在孕也李太后夢神人謂之曰

汝生男以昌明為字及產東方始明因以為名簡文後悟乃流涕又曰讖云昌明之後有二帝裕乃使繼帝而

立恭帝以應二
帝云誠楚讚翻

乃使中書侍郎王韶之與帝左右密謀

酖帝而立琅邪王德文德文常在帝左右飲食寢處未

嘗暫離

處昌呂翻
離力智翻

韶之伺之經時不得間會德文有疾

出居於外戎寅韶之以散衣縊帝於東堂

年三十七伺
相吏翻間古

覓翻散悉重翻
於賜翻又於計翻

韶之虞之曾孫也

虞王敦之從弟虞
羊至翻又連職翻

裕因稱遺詔奉德文即皇帝位大赦是歲河西王蒙

遜奉表稱藩拜涼州刺史尚書右僕射袁湛卒

恭皇帝

諱德文字德文安帝母弟也謚法尊賢貴
義敬事供上尊賢敬讓愛民長弟執禮御

賓比親之闕皆曰恭長弟謂順長接弟御賓迎待賓也

元熙元年春正月壬辰朔改元立琅邪王妃褚氏為

皇后后裒之曾孫也

諸裒崇德太后之父裒蒲侯翻

魏主嗣敗于犢

渚

據北史犢渚在柞山西臨河

甲午徵宋公裕入朝

朝直進爵為

王裕辭癸卯魏主嗣還平城庚申葬安皇帝于休

平陵刺劉道憐司空出鎮京口

刺者敕字之誤也司空之上又當逸以字

夏將叱奴侯提帥步騎二萬攻毛德祖於蒲阪

將即亮翻

帥讀曰率騎奇奇翻阪音反

德祖不能禦全軍歸彭城二月宋公裕

以德祖為滎陽太守成虎牢

宋白曰虎牢古東虢國春秋為鄭之制邑漢為成皋

縣穆天子傳天子獵于鄭有虎在葭中七萃之士禽之以獻命畜之東虢號曰虎牢後為成皋縣北臨黃河後

漢為成皋關後魏為東中郎將府唐為汜水縣

夏主勃勃徵隱士京兆韋祖

思祖思既至恭懼過甚勃勃怒曰我以國士徵汝汝乃

以非類遇我汝昔不拜姚興今何獨拜我我在汝猶不

以我為帝王我死汝曹弄筆當置我於何地邪遂殺之

勃勃之殺祖思虐矣然祖思之恭懼過甚勃勃以為羣薄已而殺之則勃勃為有見而祖思為無所守也羣

臣請都長安勃勃曰朕豈不知長安歷世帝王之都沃

饒險固然晉人僻遠終不能為吾患魏與我風俗略同

土壤鄰接自統萬距魏境裁百餘里朕在長安統萬必

危若在統萬魏必不敢濟河而西諸卿適未見此耳皆

曰非所及也

使勃勃常在猶云可也勃勃死則統萬為魏有古人所以貽厥子孫者固有道也

乃於長安置南臺以赫連瑱領大將軍雍州牧錄南臺

尚書事

瑱工回翻
難於用翻

勃勃還統萬大赦改元真興勃勃性

驕虐視民如草芥常居城上置弓劍於側有所嫌忿手

自殺之羣臣迂視者鑿其目

索隱白迂者逆也迂五故翻

笑者決其

屑諫者先截其舌而後斬之 初司馬楚之奉其父榮

期之喪歸建康

榮期死見一百一十四卷安帝義熙二年

會宗公裕誅翦宗

室之有才望者楚之叔父宣期兄貞之皆死楚之亡匿

竟陵蠻中及從祖休之自江陵奔秦

休之宣帝弟魏中郎進之六世孫楚

之宣帝弟太常趙之八世孫故休之於楚之為從祖休之奔秦見上卷義熙十一年從才用翻

楚之亡

之汝潁間聚衆以謀復讎楚之少有英氣能折節下士

少詩照翻折而有衆萬餘屯據長社裕使刺客沐謙往設翻下退稼翻

有衆萬餘屯據長社裕使刺客沐謙往

刺之

沐莫卜翻姓也風俗通漢有東平太守沐寵蜀本作沐音迷非也

楚之待謙甚厚

謙欲發未得間乃夜稱疾知楚之必往問疾因欲刺之

間古莧翻
刺七亦翻

楚之果自齋湯藥往視疾情意勤篤謙不忍

發乃出匕首於席下以狀告之曰將軍深為劉裕所忌

願勿輕率以自保全遂委身事之為之防衛王鎮惡之

死也沈田子殺其兄弟七人唯弟康得免逃就宋公裕

于彭城裕以為相國行參軍

晉制諸公府置諸曹參軍
又有正參軍行參軍長兼

行參軍
等員

康求還洛陽視母會長安不守康糾合關中徙

民得百許人驅帥僑戶七百餘家共保金墉城

帥讀曰
率下同

時宗室多逃亡在河南有司馬文榮者帥乞活千餘戶

屯金墉城南

惠帝時并州饑荒其吏民隨東燕王騰東下號曰乞活是後流徙逐糧者亦曰乞活

又有司馬道恭自東垣帥三千人屯城西

按魏收地形志洛州新安

郡有東垣縣注云二漢晉屬河東後屬參攷漢晉志河

東郡有垣縣無東垣考武太元十一年馮該擊新符丕

於東垣此時已有東垣之名宋白曰宋武入洛更置東

垣西垣二縣新唐書地理志河南府新安縣高祖武德

初析置東垣縣則司馬順明帥五千人屯陵雲臺司馬

知東垣在新安界

楚之屯柏谷塢魏河內鎮將于栗磾遊騎在芒山上

將即

亮翻磾丁奚攻逼交至康堅守六旬裕以康為河東太

翻騎奇寄翻

守遣兵救之平等皆散走

詳考上文未
平等為何人

知康勸課農桑

百姓甚親賴之司馬順明司馬道恭及平陽太守薛辯

皆降於魏

降戶江
翻下同

魏以辯為河東太守以拒夏人夏

四月秦征西將軍孔子帥騎五千討吐谷渾覓地於弱

水南

孔子亦乞伏氏也禹貢導弱水至于合黎餘波入
于流沙地志云弱水出剛丹縣亦謂之張掖河合

黎在酒泉會水縣東北流沙張掖居延縣
東北之居延澤是也曹氏曰弱水出窮谷大破之覓地

帥其衆六千降於秦拜弱水護軍 庚辰魏主嗣有事

于東廟

古制左祖右社魏建宗廟於平城宮之東因曰
東廟杜佑曰明元永興四年立太祖道武廟於

白登山歲一祭無常月又於白登西太祖舊遊之處立昭成獻明太祖廟常以九月十月之交親祀焉則東廟者白登山廟也以山西助祭者數百國辛巳南巡至雁

門

五月庚寅朔魏主嗣觀漁于湟水已亥還平城

湟水

水

涼公歆用刑過嚴又好治宮室

好呼到翻治直之翻

從事中

郎張顯上疏以為涼土三分

謂李氏沮渠乞伏也

勢不支久兼并

之本在於務農懷遠之略莫如寬簡今入歲已來陰陽

失序風雨乖和是宜減膳徹懸

古者天子膳用六牲具馬牛羊犬豕雞諸侯膳

用三牲懸樂懸也天子宮懸諸侯軒懸大荒大札天地有哉國有大故則減膳徹樂穀梁傳曰五穀不升為天

饑一穀不升謂之饑二穀不升謂之饑三穀不升謂之饑四穀不升謂之康五穀不升謂之大侵大侵之禮君食不兼味臺榭不塗弛侯廷道不除百官布而不祭鬼神禱而不祀白虎通曰一穀不升徹鵠鵠二穀不升徹鳧鵠三穀不升徹雉兔四穀不升徹鵠鵠五穀不升不備三牲側身脩道而更繁刑峻

法繕築不止殆非所以致興隆也昔文王以百里而興

二世以四海而滅

周文王興于岐周地方百里秦二世承始皇之後奄有四海卒以滅亡

前車之軌得失昭然太祖以神聖之姿為西夏所推左

取酒泉右開西域

李嵩廟號太祖為西夏所推事見一百一十二卷安帝隆安四年取酒泉

見五年開西域亦見四年夏戶雅翻

殿下不能奉承遺志混壹涼土倖蹤

張后

張后謂張軌及其子若孫也

將何以下見先王乎沮渠蒙遜外

蕃之傑內脩政事外禮英賢攻戰之際身均士卒百姓

懷之樂為之用

沮子余翻樂音洛

臣謂殿下非但不能平殄蒙

遜亦懼蒙遜方為社稷之憂歆覽之不悅主簿汜稱上

疏諫曰

汜音凡

天之子愛人主殷勤至矣故政之不脩下

災異以戒告之改者雖危必昌不改者雖安必亡元年

三月癸卯敦煌謙德堂陷

張駿據河西起謙光殿于姑臧自謂專制一方而事晉不

改臣節雖謙而光也李嵩得敦煌亦稱藩於晉起謙德堂其志猶張氏也敦煌後門翻

八月效穀

地裂二年元日昏霧四塞四月日赤無光二旬乃復十

一月狐上南門今茲春夏地頻五震六月隕星于建康

臣雖學不稽古行年五十有九請為殿下略言耳目之

所聞見不復能遠論書傳之事也

塞急則翻上時掌翻為子偽翻不復扶又

翻傳直應翻乃者咸安之初西平地裂狐入謙光殿前俄而

秦師奄至都城不守

咸安簡文帝年號涼土以姑臧為都城孝武太元元年秦入姑臧蓋

地裂狐入在咸安之初而其處在太元之初也

梁熙既為涼州不撫百姓專為

聚斂

斂力贖翻

建元十九年姑臧南門崩隕石於閑豫堂明

年為呂光所殺

太元元年秦主堅建元之十二年也堅以梁熙鎮涼州建元十九年堅敗於淮

南晉太元之八年也明年呂光殺梁熙

段業稱制此方三年之中地震五

十餘所既而先王龍興於瓜州

瓜州敦煌郡也攷之晉志張氏置沙州于敦煌

未嘗置瓜州又攷之唐志沙州敦煌郡本瓜州武德五年曰西沙州貞觀七年曰沙州瓜州晉昌郡武德五年

析沙州之常樂置蓋李嵩興于敦煌自稱秦涼二州牧其後遷于酒泉以敦煌為瓜州至唐復以敦煌為沙州

以晉昌為瓜州而瓜州分為二州矣蒙遜篡弒於張掖此皆目前之成事

殿下所明知也效穀先王鴻漸之地

焉自效穀令得敦煌遂有七郡故云

然易所謂鴻漸者鴻水鳥也自水而漸于干又漸于磐又漸于陸又漸于木自下而進漸升而上也謙德

即尊之室基陷地裂大凶之徵也日者太陽之精中國

之象赤而無光中國將衰諺曰

諺音考

野獸入家主人將

去狐上南門亦變異之大者也今外蕃益盛中國益微

願殿下亟罷宮室之役止遊畋之娛延禮英俊愛養百

姓以應天變防未然歆不從 秋七月宋公裕始受進

爵之命八月移鎮壽陽以度支尚書劉懷慎為督淮北

諸軍事徐州刺史鎮彭城

曹魏文帝置度支尚書掌軍國支計晉因之度徒洛翻

辛未魏主嗣東巡甲申還平城 九月宋王裕自解

揚州牧 秦左衛將軍匹達等將兵討彭利和于潞川

大破之利和單騎奔仇池獲其妻子徙羗豪三千戶于

枹罕潞川羗三萬餘戶皆安堵如故冬十月以尚書右

僕射王松壽為益州刺史鎮潞川

潞其良翻騎奇寄翻枹音膚

宋

王裕以河南蕭條乙酉徙司州刺史義真為揚州刺史

鎮石頭蕭太妃謂裕曰道憐汝布衣兄弟宜用為揚州

裕曰寄奴於道憐豈有所惜

裕小字寄奴道憐蕭太妃所生也

揚州根

本所寄事務至多非道憐所了太妃曰道憐年出五十

豈不如汝十歲兒邪裕曰義真雖為刺史事無大小悉由寄奴道憐年長不親其事於聽望不足

聽望猶言觀聽也長知兩

翻太妃乃無言道憐性愚鄙而貪縱故裕不肯用 十

一月丁亥朔日有食之 十二月癸亥魏主嗣西巡至

雲中從君子津西渡河大獵於薛林山

按魏書帝紀薛林山在屋賓城

西辛卯宋王裕加殊禮進王太妃為太后世子為太

子

資治通鑑卷一百一十八

資治通鑑卷一百一十九 宋 司馬光 撰

胡三省 音註

宋紀一

一起上章潞灘盡昭陽大淵獻凡四年 劉氏世居彭城彭城於春秋之時宋土也故帝之

始建國
號曰宋

高祖武皇帝

諱裕字德興小字寄奴姓劉氏彭城縣綏德人漢楚元王交二十一世

孫也彭城楚都故苗裔家焉晉氏東遷劉氏移居晉陵丹徒之京口里

永初元年

是年六月改元

春正月己亥魏主還宮

晉有天下通鑑於魏主率

兼書名是年
宋主受禪

秦王熾磐立其子乞伏暮末為太子

熾昌

志翻 考異曰晉書作乞伏暮末宋書又作乞佛茂蔓今從崔鴻十六國春秋作暮末

仍領撫軍

大將軍都督中外諸軍事大赦改元建弘 宋王欲受

禪而難於發言乃集朝臣宴飲

此宋朝之臣也朝直遂翻

從容言曰

從千桓玄篡位鼎命已移我首唱大義興復帝室南征

北伐平定四海功成業著遂荷九錫

荷下可翻

今年將衰暮

崇極如此物忌盛滿非可久安今欲奉還爵位歸老京

師羣臣惟盛稱功德莫諭其意日晚坐散

坐但卧翻

中書令

傅亮還外乃悟而宮門已閉亮叩扉請見

見贊通鑑

王即開

門見之亮入但曰臣暫宜還都王解其意無復他言

解戶

買翻曉也復扶又翻

直云須幾人自送亮曰數十人可也即時奉

辭亮出已夜見長星竟天拊髀歎曰我常不信天文今

始驗矣

長星所以除舊布新故云然

亮至建康夏四月徵王入輔王

留子義康為都督豫司雍并四州諸軍事豫州刺史鎮

壽陽

豫州後漢治蕪湖魏治汝南安成晉平吳治陳國江左治壽陽蕪湖郡城牛渚歷陽馬頭壽春姑孰不

常厥居安帝之末帝欲開拓河南綏定豫土割揚州大江以西大雷以北悉屬豫州豫州基址因此而立帝既

平關洛置司州刺史治虎牢領河南滎陽弘農實土三
郡河內東京兆二僑郡雍州仍衛治襄陽秦并州刺史
鎮蒲阪毛德祖既自蒲阪退屯虎牢
則并州當寄治虎牢也雍於用翻

義康尚幼以相國

參軍南陽劉湛為長史決府州事

府州都督府及豫州也

湛自弱

年即有宰物之情常自比管葛

謂管仲諸葛亮也

博涉書史不

為文章不喜談議

喜許記翻

王甚重之

五月乙酉魏更謚

宣武帝曰道武帝

魏主嗣永興二年謚父理曰宣武皇帝更古衛翻

魏淮南

公司馬國璠池陽子司馬道賜謀外叛司馬文思告之

庚戌魏主殺國璠道賜賜文思爵鬱林公

國璠等降魏見上卷晉安

帝義熙十三年瑞字表翻國璠等連引平城豪桀坐族誅者數十人

章安侯封懿之子玄之當坐魏主以玄之燕朝舊族慕容

廐興於昌黎封氏依之遂世仕于燕貴顯欲宥其一子玄之曰弟子磨奴早

孤乞全其命乃殺玄之四子而宥磨奴六月壬戌王

至建康傅亮諷晉恭帝禪位於宋具詔草呈帝使書之

帝欣然操筆謂左右曰桓玄之時晉氏已無天下重為

劉公所延將二十載晉安帝元興三年裕討桓玄至是凡十七年操于高翻重直龍翻載

子玄翻今日之事本所甘心遂書赤紙為詔甲子帝遜于

琅邪第百官拜辭祕書監徐廣流涕哀慟

晉武帝泰始元年受禪歲

在乙酉建興四年長安陷歲在丙子凡五十二年次年元帝建號于江東改元建武至是年歲在庚申凡一百

單三年西東事國共丁卯王為壇於南郊即皇帝位禮

畢自石頭備法駕入建康宮徐廣又悲感流涕侍中謝

晦謂之曰徐公得無小過廣曰君為宋朝佐命

朝直身

是晉室遺老悲歡之事固不可同廣邈之弟也

徐邈為晉孝武

所親帝臨太極殿大赦改元其犯鄉論清議一皆蕩滌

與之更始

犯鄉論清議蓋得罪於名教者更工銜翻

裴子野論曰昔重華受終四凶流放

書堯使舜嗣位正月上日受終

於文祖流共工于幽州放驩兜于崇山竄三苗于三危殛鯀于羽山四罪而天下咸服重直龍翻

武

王克殷頑民遷洛

武王克殷遷頑民于洛邑

天下之惡一也鄉論

清議除之過矣

奉晉恭帝為零陵王優崇之禮皆倣晉初故事即官于

故秣陵縣

沈約曰秣陵縣本治去京邑六十里今故治村是也晉安帝義熙九年移治京邑在闕場

恭帝元熙元年省楊州

使冠軍將軍劉遵考將兵防衛

將即亮翻

降褚后為王妃追尊皇考為孝穆皇帝皇妣

趙氏為孝穆皇后尊王太后蕭氏為皇太后

帝父趙氏生帝

而阻繼室以蕭氏

上事蕭太后素謹及即位春秋已高每旦入

朝太后

朝直遂制

未嘗失時刻詔晉氏封爵當隨運改獨置

始興廬陵始安長沙康樂五公降爵為縣公及縣侯

始興

廬陵始安長沙皆郡公獨康樂縣公耳據南史降始興郡公為華容縣公廬陵公為柴桑縣公始安公為荔浦縣侯長沙公為醴陵侯樂音洛

以奉王導謝安溫嶠陶侃謝玄之祀

其宣力義熙豫同艱難者一仍本秩庚午以司空道憐為太尉封長沙王追封司徒道規為臨川王以道憐子

義慶襲其爵其餘功臣徐羨之等增位進爵各有差追
封劉穆之為南康郡公王鎮惡為龍陽縣侯上每歎念
穆之曰穆之不死當助我治天下

治直之翻

可謂人之云亡

邦國殄瘁

詩瞻印之辭
瘁秦醉翻

又曰穆之死人輕易我

易以豉翻

立

皇子桂陽公義真為廬陵王彭城公義隆為宜都王義

康為彭城王己卯改泰始歷為永初歷

以元改歷

魏主如

翳犢山遂至馮湍池

據北史翳犢山在平城之西五原之東馮湍池即五原鹽池唐屬鹽

州界湍龍五翻

聞上受禪驛召崔浩告之曰卿往年之言驗矣

浩言見上卷晉安帝義熙十四年

朕於今日始信天道 秋七月丁酉

魏主如五原 甲辰詔以涼公歆為都督高昌等七郡

諸軍事征西大將軍酒泉公秦王熾磐為安西大將軍

熾昌志

交州刺史杜慧度擊林邑大破之

林邑屢為寇故慧度擊之

所殺過半林邑乞降前後為所鈔掠者皆遣還

降戶江

交翻 慧度在交州為政纖密一如治家

治直

吏民畏而愛

之城門夜開道不拾遺 己未魏主如雲中 河西王

蒙遜欲伐涼先引兵攻秦浩疊

浩疊音告門

既至潛師還屯

川巖涼公歆欲乘虛襲張掖宋繇張體順切諫不聽太

后尹氏謂歆曰汝新造之國地狹民希自守猶懼不足

何暇伐人先王臨終

李嵩卒見上卷晉安帝義熙十三年

殷勤戒汝深慎

用兵保境寧民以俟天時言猶在耳奈何棄之蒙遜善

用兵非汝之敵數年以來常有兼并之志汝國雖小足

為善政脩德養民靜以待之彼若昏暴民將歸汝若其

休明

休美也

汝將事之豈得輕為舉動僥冀非望以吾觀

之非但喪師

喪息浪翻

殆將亡國亦不聽宋繇歎曰今茲大

事去矣歆將步騎三萬東出

將即亮翻騎奇寄翻

蒙遜聞之曰歆

已入吾術中然聞吾旋師必不敢前乃露布西境云已

克浩疊將進攻黃谷

此露布非必建之漆竿如魏晉告捷之制但露檄布言其事耳

歆

聞之喜進入都瀆澗蒙遜引兵擊之戰于懷城歆大敗

或勸歆還保酒泉歆曰吾違老母之言以取敗不殺此

賊何面目復見我母

又復扶翻

遂勒兵戰于蓼泉為蒙遜所

殺歆弟酒泉太守翻新城太守預領羽林右監密左將

軍眺右將軍亮西奔敦煌蒙遜入酒泉

安帝隆安四年李嵩據敦煌凡

二主二十一年而滅敦煌門翻

禁侵掠士民安堵以宋繇為吏部郎中

委之選舉涼之舊臣有才望者咸禮而用之以其子牧

捷為酒泉太守

捷居言翻
守式又翻

敦煌太守李恂翻之弟也與

翻等棄敦煌奔北山蒙遜以索嗣之子元緒行敦煌太

守

索嗣死事見一百十二卷
晉安帝隆安四年索普各翻

蒙遜還姑臧見涼太后

尹氏而勞之尹氏曰李氏為胡所滅知復何言

蒙遜張
掖處水

胡也勞力到翻復
扶又翻下可復同

或謂尹氏曰今母子之命在人掌握

奈何傲之且國亡子死曾無憂色何也尹氏曰存亡死

生皆有天命奈何更如凡人為兒女子之悲乎吾老婦人國亡家破豈可復惜餘生為人臣妾乎惟速死為幸耳蒙遜嘉而赦之娶其女為牧捷婦 八月辛未追謚

妃臧氏為敬皇后癸酉立王太子義符為皇太子 閏

月壬午詔晉帝諸陵悉署守衛 九月秦振武將軍王

基等襲河西王蒙遜胡園戍俘二千餘人而還

還從宣
翻又如

字

李恂在敦煌有惠政索元緒竊險好殺大失人和

好呼
到翻

郡人宋承張弘密信招恂冬恂帥數十騎入敦煌

元緒東奔涼興

涼興郡在唐瓜州常樂縣界

承等推恂為冠軍

將軍涼州刺史

冠古玩翻

改元永建河西王蒙遜遣世子政

德攻敦煌恂閉城不戰

十二月丁亥杏城羌苻狄溫

子帥三千餘家降魏

背夏降魏也苻恂由翻帥讀曰率降戶江翻

是歲魏

姚夫人卒追謚昭哀皇后

姚夫人歸魏見一百十七卷晉安帝義熙十一年

二年春正月辛酉上祀南郊大赦

裴子野論曰夫郊祀天地修歲事也赦彼有罪夫何

為哉

以揚州刺史廬陵王義真為司徒尚書僕射徐羨之為

尚書令揚州刺史中書令傅亮為尚書僕射 辛未魏

主嗣行如公陽 河西王蒙遜帥眾二萬攻李恂于敦

煌 秦王熾磐遣征北將軍木奕干輔國將軍元基攻

上邽遇霖雨而還 三月甲子魏陽平王熙卒 魏主

發代都六千人築苑東包白登周三十餘里 河西王

蒙遜築隄壅水以灌敦煌李恂乞降不許恂將宋承等

舉城降恂自殺蒙遜屠其城獲恂弟子寶囚于姑臧

李氏

滅矣李實卒由此開有唐之基天之所啟誰能廢之於是西域諸國皆詣蒙遜稱

臣朝貢

朝直遜翻

夏四月己卯朔詔所在淫祠自蔣子文

以下皆除之其先賢及以勲德立祠者不在此例吐

谷渾王阿柴遣使降秦

使疏吏翻降戶江翻

秦王熾磐以阿柴為

征西大將軍開府儀同三司安州牧白蘭王

秦蓋以吐谷渾之地

為安州

六月乙酉魏主北巡至蟠羊山

蟠羊山在參合陂東

秋七

月西巡至河河西王蒙遜遣右衛將軍沮渠鄯善建

節將軍沮渠苟生帥衆七千伐秦秦王熾磐遣征北將

軍木奕干等帥步騎五千拒之敗鄯善等于五澗

五澗在洪

池嶺北水經註云五澗水出姑臧城東而西北流注馬城河敗補邁翻

虜苟生斬首二千

而還 初帝以毒酒一甕

甕於耕翻瓦器也

授前琅邪郎中令

張偉使酖零陵王偉歎曰酖君以求生不如死乃於道

自飲而卒

卒子

偉邵之兄也

初帝領揚州牧辟邵為僚屬

太常褚秀

之侍中褚淡之皆王之妃兄也王每生男帝輒令秀之

兄弟方便殺之

方便者隨宜處分不令其事彰露也

王自遜位深慮禍及

與褚妃共處一室

處昌呂翻

自煮食於牀前飲食所資皆出

褚妃故宋人莫得伺其隙

伺相吏翻

九月帝令淡之與兄右

衛將軍叔度往視妃妃出就別室相見兵人踰垣而入

進藥於王王不肯飲曰佛教自殺者不復得人身兵人

以被掩殺之

復扶又翻陵王覺晉本紀九月丁丑據長曆九月丙

考異曰宋本紀九月己丑零

牛朔無己丑丁丑今不書日

帝帥百官臨於朝堂三日

自是之後禪讓之君罕得

全矣帥讀曰率臨力鴉翻朝直送翻

庚戌魏主還宮

冬十月己亥詔

以河西王蒙遜為鎮軍大將軍開府儀同三司涼州刺

史 己亥魏主如代 十一月辛亥葬晉恭帝于冲平

陵帝帥百官瞻送 十二月丙申魏主西巡至雲中

秦王熾磐遣征西將軍孔子等帥騎二萬擊契汗禿真

於羅川

契欺訖翻
汗音寒

河西王蒙遜所署晉昌太守唐契

據郡叛蒙遜遣世子政德討之契瑤之子也

唐瑤見一百一十一卷

晉安帝隆安四年

上之為宋公也謝瞻為宋臺中書侍郎其

弟晦為右衛將軍時晦權遇已重自彭城還都迎家

上為

宋公時建康
臺於彭城

賓客輻湊門巷填咽瞻在家驚駭謂晦曰

汝名位未多而人歸趣乃爾

趣七
喻翻

吾家素以恬退為業

不願干豫時事交游不過親朋而汝遂勢傾朝野

朝直
遙翻

此豈門戶之福邪乃以籬隔門庭曰吾不忍見此及還

彭城言於宋公曰臣本素士父祖位不過二千石

瞻晦
晉太

常謝衰之玄孫於謝安為從孫是其高
曾與謝安同其所自出但名位不及耳

弟年始三十志

用凡近榮冠臺府

冠古
玩翻

位任顯密福過災生其應無遠

特乞降黜以保衰門前後屢陳之晦或以朝廷密事語

瞻

語牛
侶翻

瞻故向親舊陳說用為戲笑以絕其言及上即

位晦以佐命功位任益重瞻愈憂懼是歲瞻為豫章太

守遇病不療臨終遺晦書曰吾得啟體幸全亦何所恨

遺子季翻曾子有疾召門弟子曰啟子足啟子手詩云戰戰兢兢如臨深淵如履薄冰而今而後吾知免夫小

子孔子曰身體髮膚受之父母不敢毀傷父母全而生之子全而歸之弟思自勉勵為國

為家

居寵思危謝瞻有為為謝晦殺身亡家張本為子偽翻

三年春正月甲辰朔魏主自雲中西巡至屋寶城

據北史屋

寶城在薛林山東

癸丑以徐羨之為司空錄尚書事刺史如

故江州刺史王弘為衛將軍開府儀同三司中領軍謝

晦為領軍將軍兼散騎常侍入直殿省總統宿衛

散悉重翻

騎奇

徐羨之起自布衣

徐羨之為桓脩撫軍中兵參軍與帝同府深相親結及起義兵

益見

又無術學直以志力局度一旦居廊廟朝野推服

咸謂有宰臣之望沈密寡言不以憂喜見色

朝直遙翻沈持林翻

見賢通翻

頗工奕棊觀戲常若未解

解戶買翻曉也

當世倍以此推

之傅亮蔡廓常言徐公曉萬事安異同嘗與傅亮謝晦

宴聚亮晦才學辯博羨之風度詳整時然後言鄭鮮之

歎曰觀徐傅言論不復以學問為長

復扶又翻

秦征西將

軍孔子等大破契汗禿真

契歎訖翻汗音寒禿吐谷翻

獲男女二萬

口牛羊五十餘萬頭禿真帥騎數千西走其別部樹奚

帥戶五千降秦

帥讀曰率降戶江翻

二月丁丑詔分豫州淮以

東為南豫州治歷陽以彭城王義康為刺史

義熙之初帝欲開拓

河南綏定豫土至九年割揚州大江以西大雷以北悉屬豫州至是以淮西之地為北豫州治汝南沈約志南

豫州領歷陽南熱廬江南汝陰南梁晉熙弋陽安豐南汝南新蔡東郡南頓潁川西汝陰汝陽陳留南陳左郡

遼城左郡光城左郡十九郡案徐志及永初郡國志又止領十三郡蓋沈志有景平以後續置郡在其間也

分荊州十郡置湘州治臨湘

晉安帝義熙十三年省湘州今復置臨湘漢舊縣唐

為潭州長沙縣以左衛將軍張邵為刺史 丙戌魏主還宮

三月上不豫太尉長沙王道憐司空徐羨之尚書僕射
傅亮領軍將軍謝晦護軍將軍檀道濟並入侍醫藥羣
臣請祈禱神祇上不許唯使侍中謝方明以疾告宗廟
而已上性不信奇怪微時多符瑞及貴史官審以所聞
上拒而不答檀道濟出為鎮北將軍南兖州刺史鎮廣
陵悉監淮南諸軍

晉成帝立南兖州治京口自此治廣陵領廣陵海陵山陽盱眙秦川南沛

等郡監工衙翻

皇太子多狎羣小謝晦言於上曰陛下春秋既

高宜思存萬世神器至重不可使負荷非才

晦發此言已有廢昏

立明之意荷下
可翻又如字

上曰廬陵何如晦曰臣請觀焉出造廬

陵王義真

造七到翻

義真盛欲與談晦不甚答還曰德輕於

才非人主也丁未出義真為都督南豫豫雍司秦并六

州諸軍事車騎將軍開府儀同三司南豫州刺史

為晦等殺

義真張本雍於用翻騎奇寄翻

是後大州率加都督多者或至五十州

不可復詳載矣

迄宋之季境內惟二十二州至梁武帝時沿邊分置諸州始有五十州復扶又

翻

帝疾瘳

瘳丑留翻

已未大赦

秦雍流民南入梁州庚

申遣使送絹萬匹且漕荆雍之穀以賑之

秦雍之雍古雍州也關中

之地荆雍之雍晉末所置南雍州也治襄陽使琨更翻脈之忍翻

刁逵之誅也

事見一百

十三卷晉安帝元興三年

其子彌亡命辛酉彌帥數十人入京口

讀帥

曰太尉留府司馬陸仲元擊斬之

時長沙王道憐以太尉鎮京口入侍醫藥

故有留府

乙丑魏河南王曜卒

夏四月甲戌魏立皇子

燾為太平王拜相國加大將軍丕為樂平王彌為安定

王範為樂安王健為永昌王崇為建寧王俊為新興王

乙亥詔封仇池公楊盛為武都王秦王熾磐以折

衝將軍乞伏是辰為西胡校尉築列渾城於汁羅以鎮

之汁羅蓋即羅川之地

五月帝疾甚召太子誠之曰檀道濟雖

有幹略而無遠志非如兄韶有難御之氣也徐羨之傳

亮當無異圖謝晦數從征伐頗識機變若有同異必此

人也

帝固有疑晦之心矣數所角翻

又為手詔曰後世若有幼主朝事

一委宰相母后不煩臨朝

朝直遙翻

司空徐羨之中書令傅

亮領軍將軍謝晦鎮北將軍檀道濟同被顧命癸亥帝

殂於西殿

年六十自是以後南北朝之君沒皆稱殂被皮義翻顧音古

帝清簡寡欲

嚴整有法度被服居處儉於布素遊宴甚稀嬪御至少

處昌呂翻
少詩沼翻

嘗得後秦高祖從女

後秦王興廟號高祖從才用翻

有盛寵

頗以廢事謝晦微諫即時遣出財帛皆在外府內無私

藏

藏祖浪翻

嶺南嘗獻入筒細布一端八丈帝惡其精麗勞

人

揚雄蜀都賦曰布則蜘蛛作絲不可見風箒中黃潤一端數金言其細也惡烏路翻

即付有司

彈太守

彈徒丹翻

以布還之并制嶺南禁作此布公主出適

遣送不過二十萬無錦繡之物內外奉禁莫敢為侈靡

太子即皇帝位年十七太赦尊皇太后曰太皇太后立

妃司馬氏為皇后后晉恭帝女海鹽公主也 魏主服

寒食散頻年藥發災異屢見

見賢通翻

頗以自憂遣中使密

問白馬公崔浩曰

使疏吏翻

屬者日食趙代之分

屬者猶言比者近者

屬之欲翻分扶問翻

朕疾彌年不愈恐一旦不諱諸子並少

少詩照翻

將若之何其為我思身後之計

為于偽翻

浩曰陛下春秋富

盛行就平愈必不得已請陳瞽言自聖代龍興不崇儲

貳是以永興之始社稷幾危

事見一百十五卷晉安帝義熙五年幾居希翻又音

祁今宜早建東宮選賢公卿以為師傅左右信臣以為

賓友入摠萬機出撫戎政如此則陛下可以優游無為

頤神養壽萬歲之後國有成主民有所歸姦宄息望禍

無自生矣皇子燾年將周星

歲星十二
年一周天

明獻溫和立子

以長禮之大經若必待成人然後擇之倒錯天倫則召

亂之道也

倒錯謂廢長立少
長知兩翻下同

魏主復以問南平公長孫

嵩

又復扶
翻

對曰立長則順置賢則人服燾長且賢天所命

也帝從之立太平王燾為皇太子使之居正殿臨朝為

國副主

朝直
遙翻

以長孫嵩及山陽公奚斤

魏收官氏志後
魏獻帝弟為達

奚氏孝文
改為奚氏

北新公安同為左輔坐東廂西面崔浩與太

尉穆觀散騎常侍代人丘堆為右弼

後魏孝文以獻帝第五兄敦丘氏為

丘坐西廂東面百官摠已以聽焉

坐東廂者西面坐西廂者東面皆朝拱皇

太子避居西宮時隱而窺之

自隱蔽其身而窺之也

聽其決斷

丁斷

翻亂大悅謂侍臣曰嵩宿德舊臣歷事四世功存社稷

嵩事

昭成帝及道武帝明元帝及太子燕為四世

斤辯捷智謀名聞遐邇

聞音問

同

曉解俗情明練於事觀達於政要識吾旨趣浩博聞彊

識精察天人堆雖無大用然在公專謹以此六人輔相

太子吾與汝曹巡行四境伐叛柔服足以得志於天下

矣

解戶買翻行下孟翻○嵩實姓拔拔斤姓達奚觀姓丘穆陵堆姓丘敦是時魏之羣臣出于代北者姓多

重複及高祖遷洛始皆改之舊史惡其煩雜難知故皆從後姓以就簡易今從之重直龍翻惡烏路翻易以鼓

翻

魏主又以典東西部劉黎門下奏事代人古弼

道武天賜

四年置侍官侍直左右出納詔命魏書官氏志內入諸姓吐奚氏為古氏

直郎徒河盧魯元

拓跋與慕容段氏同出鮮卑其後強盛謂東種為徒河官氏志內入諸姓吐復伏盧氏為盧氏

忠謹公

勤使之給侍東宮分典機要宣納辭令太子聰明有大度羣臣時奏所疑帝曰此非我所知當決之汝曹國主也六月壬申以尚書僕射傅亮為中書監尚書令以

領軍將軍謝晦領中書令侍中謝方明為丹陽尹方明

善治郡

治直所至有能名承代前人不易其政必宜改

者則以漸移變使無迹可尋 戊子長沙景王道憐卒

魏建義將軍刁雍寇青州州兵擊破之雍收散卒走

保大鄉山

魏收地形志濟陰郡乘氏縣有大鄉城雍於容翻

秋七月己酉葬

武皇帝于初寧陵

陵在丹陽建康縣蔣山

廟號高祖

河西王蒙

遜遣前將軍沮渠成都帥眾一萬耀兵嶺南遂屯五澗

蓋耀兵于洪池嶺南而還屯五澗也沮子余翻帥讀曰卑下同

九月秦王熾磐遣征北

將軍出連度等帥騎六千擊之 初魏主聞高祖克長

安

見上卷晉安帝義熙十三年

大懼遣使請和自是每歲交聘不絕

及高祖殂殿中將軍沈範等奉使在魏

晉置二衛仍置殿中將軍使疏

史翻下同

還及河魏主遣人追執之議發兵取洛陽虎牢滑

臺崔浩諫曰陛下不以劉裕欸起納其使貢

欸許勿翻

裕亦

敬事陛下不幸今死遽乘喪伐之雖得之不足為美且

國家今日亦未能一舉取江南也而徒有伐喪之名

禮不

伐竊為陛下不取

偽為于

臣謂宜遣人弔祭存其孤弱恤

其凶災使義聲布於天下則江南不攻自服矣況裕新

死黨與未離兵臨其境必相帥拒戰

帥讀曰率

功不可必不

如緩之待其彊臣爭權變難必起

難乃起

然後命將出師

可以兵不疲勞坐收淮北也

將即亮

魏主曰劉裕乘姚興

之死而滅之

事見一百十七卷晉安帝義熙十二年及上卷義熙十三年

今我乘裕

喪而伐之何為不可浩曰不然姚興死諸子交爭故裕

乘豐伐之今江南無豐不可比也

豐與羣同許覲翻

魏主不從

假司空奚斤節加晉兵大將軍行揚州刺史使督宋兵

將軍交州刺史周幾

後魏孝文以獻帝次兄普氏之復為周氏

吳兵將軍廣

州刺史公孫表同入寇

晉兵宋兵吳兵鄭兵楚兵等將軍皆魏所置

乙巳

魏主如灋南宮遂如廣甯

晉愍帝建興元年倚廬築新平城於灋北其後築宮于灋

南鄴道元曰廣甯去平城五十里廣甯縣漢屬上谷郡晉太康中立為郡灋力水翻

辛亥魏人

築平城外郭周圍三十二里

魏主如喬山

五代志喬山在涿郡

懷我縣劉昫曰唐媯州懷我縣後漢上谷之潘縣也

遂東如幽州冬十月甲戌還

宮 魏軍將發公卿集議於監國之前

監工衙翻

以先攻城

與先略地奚斤欲先攻城崔浩曰南人長於守城昔苻

氏攻襄陽經年不拔

事見一百四卷晉考武太元三年四年

今以大兵坐

攻小城若不時克挫傷軍勢敵得徐嚴而來我急彼銳

此危道也不如分軍略地至淮為限列置守宰收斂租

穀則洛陽滑臺虎牢更在軍北絕望南救必汭河東走

不則為圍中之物

不請曰否

何憂其不獲也公孫表固請攻

城魏主從之於是奚斤等帥步騎二萬

帥讀曰率騎奇寄翻

濟河

營於滑臺之東時司州刺史毛德祖戍虎牢東郡太守

王景度告急於德祖

王景度以東郡太守戍滑臺

德祖遣司馬翟廣

等將步騎三千救之

程長伯翻將即亮翻下同

先是司馬楚之聚衆

在陳留之境聞魏兵濟河遣使迎降魏

先悉薦翻使疏吏翻降戶江翻

以楚之為征南將軍荊州刺史使侵擾北境

此謂宗德之北境

祖遣長社令王法政將五百人戍邵陵

邵陵縣漢屬汝南郡皆以後屬

潁川郡杜佑曰蔡州邵陵縣有古召陵城

將軍劉憐將二百騎戍雍丘以備

之楚之引兵襲憐不克會臺送軍資憐出迎之酸棗民

王玉馳以告魏

酸棗縣自漢以來屬陳留郡唐屬滑州

丁酉魏尚書滑稽

引兵襲倉垣

康曰滑州八切姓也本滑伯國姬姓其後因國為氏漢有詹事滑典

兵吏悉

踰城走陳留太守馮翊嚴稜詣斤降魏以王玉為陳留

太守給兵守倉垣

魏收地形志陳留郡治浚儀縣有倉垣城

奚斤等攻滑臺

不拔求益兵魏主怒切責之壬辰自將諸國兵五萬餘

人南出天關踰恒嶺

此即晉孝武太元二十一年燕主垂襲魏平城之路魏主珪既平中

山自望都鐵關鑿恒嶺至代五百餘里將即亮翻下同

為斤等聲援秦出連虜

與河西沮渠成都戰禽之

沮渠成都時屯五澗

十一月魏太子

燾將兵出屯塞上

魏主南援攻河南之兵故太子屯塞上以備柔然

使安定王

彌與安同居守

守式又翻

庚戌奚斤等急攻滑臺拔之王景

度出走景度司馬陽瓚為魏所執不降而死

瓚藏早翻降戶江翻

魏主以成皐侯苟兒為兗州刺史鎮滑臺

魏書官氏志內諸姓若

于氏為苟氏

斤等進擊翟廣等於土樓破之

土樓在虎牢東九域志澶州臨

河縣有土樓鎮

乘勝進逼虎牢毛德祖與戰屢破之魏主別遣

黑稍將軍于栗磾將三千人屯河陽謀取金墉

稍色角翻磾丁

奚翻德祖遣振威將軍竇晃等緣河拒之十二月丙戌魏

主至冀州遣楚兵將軍徐州刺史叔孫建將兵自平原

濟河徇青兗豫州刺史劉粹遣治中高道瑾將步騎五

百據項城

宋豫州領汝南新蔡譙梁陳南
潁川汝陽汝陰陳留等郡

徐州刺史王

仲德將兵屯湖陸

徐州領彭城沛下邳蘭陵東海東莞
東安琅邪淮陽陽平濟陰北濟陰鍾

離馬頭
等郡

于栗磾濟河與奚斤并力攻竇晃等破之魏主

遣中領軍代人娥清期思侯柔然間大肥將兵七千人

會周幾叔孫建南渡河軍于碣磔

碣磔城臨河津後魏
為濟州治所水經註

曰城即故
往平縣也

癸未兗州刺史徐琰棄尹邠南走

水經濟水
自須昌縣

西北逕漁山東又北過穀城縣西註云濟水側岸有尹
邠臺南去漁山四十餘里是穀城縣界故春秋之小穀

也於是泰山高平金鄉等郡皆沒于魏

金鄉縣漢屬山
陽晉屬高平蓋

晉末分置郡也叔孫建等東入青州司馬愛之季之先聚衆於

濟東皆降於魏

濟水之東則青州界濟子禮翻

戊子魏兵逼虎牢青州

刺史東莞竺夔鎮東陽城

青州自曹叡以來治廣固武帝克慕容超夷其城青州遷

治東陽城在廣縣西南宋白曰今青州治益都縣州東城即東陽城晉武帝太原初分琅邪立東莞郡青州領

齊濟南高留樂安平昌北海東萊太原長廣等郡莞音官

遣使告急

使瓊吏翻

己丑詔南

兗州刺史檀道濟監征討諸軍事

監工衛翻

與王仲德共救

之廬陵王義真遣龍驤將軍沈叔狸將三千人就劉粹

量宜赴援

義真時鎮壽陽劉粹時鎮懸縣思將翻量音良

秦王熾磐徵秦

州牧曇達為左丞相征東大將軍

曇徒含翻

營陽王

諱義符小字車兵武帝長子也

考異曰

廓傳作營陽營陽南

方郡名也今從之

景平元年春正月己亥朔大赦改元

辛丑帝祀南郊

魏于栗磾攻金墉癸卯河西太守王涓之棄城走魏

主以栗磾為豫州刺史鎮洛陽

磾丁亥翻

魏主南巡恒嶽

恒戶登翻丙辰至鄴

去年十二月己書魏主至冀州今又書南巡恒嶽必有一誤也

己未

詔徵豫章太守蔡廓為吏部尚書

自晉以來謂吏部尚書為大尚書以其在

諸曹之右且其權任要重也

廓謂傅亮曰選事若悉以見付不論

不論

者不復置議論于解受之際也

不然不能拜也亮以語錄事尚書徐羨

之語牛仍翻錄事尚書當作錄尚書事羨之曰黃散以下悉以委蔡吾徒

不復措懷

黃散謂黃門侍郎及散騎常侍侍郎也復扶又翻

自此以上故宜共

參同異廓曰我不能為徐干木署紙尾

為手偽翻

遂不拜干

木羨之小字也選案黃紙錄尚書與吏部尚書連名

選案

選曹文案也洪邁曰葉石林言制敕用黃紙始高宗時非也晉恭帝時王韶之遷黃門侍郎凡諸詔黃皆其辭也則東晉時已用黃紙寫詔矣又宋明帝時吏部尚書褚淵就褚圻行選是役也皆先戰授位版檄不供由是

有黃紙札則宋世就軍補官賞功又多用黃紙矣又徐
羨之召蔡廓為吏部尚書廓曰我不能為徐干木署紙
尾則是宋世以黃紙為案矣至齊世立左右丞書案之
制曰白案則右丞書名在上左丞次書黃案則左丞上
書右丞下書雖世遠莫知何者之為黃案何者之為白
案所可知者其紙已分黃白二色決矣至東晉時閹人
以紙包裹魚肉還家並是五省黃案然則文書之用黃
紙其來已久高宗時凡牒寫詔制以下州縣始皆用黃
紙耳繁言詔書用黃紙始故廓云然
於高宗不審也選須絹翻

沈約論曰蔡廓固辭銓衡恥為志屈豈不知選錄同

體義無偏斷乎

吏部典選錄尚書兼錄
諸曹尚書事斷丁亂翻

良以主閤時

難不欲居通塞之任

銓衡之任得其人則賢路通不
得其人則賢路塞塞則翻

遠矣哉

庚申檀道濟軍于彭城魏叔孫建入臨淄所向城邑皆

潰

考異曰索虜傳云虜又遣楚兵將軍徐州刺史安平公涉歸幢能健越兵將軍青州刺史臨淄侯薛道

千陳兵將軍淮州刺史壽張子張模所向城邑皆奔走本紀亦云安平公涉歸寇青州按後魏書無涉歸等姓

名蓋皆胡中舊名即叔孫建等也

竺夔聚民保東陽城其不入城者使

各依據山險芟夷禾稼

芟所銜翻

魏軍至無所得食濟南太

守垣苗帥衆依夔

垣苗棄歷城依夔濟子禮翻帥讀曰率下同

刁雍見魏主

於鄴魏主曰叔孫建等入青州民皆蔽避攻城不下彼

素服卿威信

雍先聚兵河濟之間雍於客翻

今遣卿助之乃以雍為青

州刺史給雍騎使行募兵以取青州魏兵濟河向青州

者凡六萬騎

騎奇奇翻

刁雍募兵得五千人撫慰土民皆送

租供軍 柔然寇魏邊二月戊辰魏築長城自赤城西

至五原延袤二千餘里

袤音茂

備置戍卒以備柔然 丁

丑太皇太后蕭氏殂 河西王蒙遜及吐谷渾王阿柴

皆遣使入貢

使疏吏翻

庚辰詔以蒙遜為都督涼秦河沙四

州諸軍事驃騎大將軍涼州牧河西王以阿柴為督塞

表諸軍事安西將軍沙州刺史澆河公

吐谷渾據塞外沙澗之地故令

督塞表諸軍事澆堅堯翻

三月壬子葬孝懿皇后于興寧陵

興寧陵在

晉陵丹徒縣誅壁里雪山

魏奚斤公孫表等共攻虎牢魏主自鄴

遣兵助之毛德祖於城內穴地入七丈分為六道出魏

圍外募敢死之士四百人使參軍范道基等帥之從穴

中出掩襲其後魏軍驚擾斬首數百級焚其攻具而還

還從宣翻又如字

魏兵雖退散隨復更合

復扶又翻下復嬰未復復作復戰同

攻

之益急奚斤自虎牢將步騎三千攻潁川太守李元德

等於許昌元德等敗走魏以潁川人庾龍為潁川太守
戍許昌毛德祖出兵與公孫表大戰從朝至晡殺魏兵
數百會奚斤自許昌還合擊德祖大破之亡甲士千餘
人復嬰城自守魏主又遣萬餘人從白沙度河屯濮陽

南

濮陽對岸則頓丘之境
白沙當在今澶州之界

朝議以項城去魏不遠

朝直
遠翻

下同非輕軍所抗使劉粹召高道瑾還壽陽若沈叔狸已

進亦宜且追粹奏虜攻虎牢未復南向若遽攝軍捨項

城則淮西諸郡無所憑依沈叔狸已頓肥口

肥口肥水
入淮之口

又不宜遽退時李元德帥散卒二百至項劉粹使助高

道瑾戍守請宥其奔敗之罪朝議並許之乙巳魏主畋

于韓陵山

魏郡鄴縣有韓陵山

遂如汲郡至枋頭初毛德祖在北

毛德祖本潁陽人武帝未取關洛德祖自北來歸

與公孫表有舊表有權略德

祖患之乃與交通音問密遣人說奚斤云表與之連謀

每答表書多所治定

此曹操間韓馬之智也說翰尚翻治直之翻

表以書示

斤斤疑之以告魏主先是表與太史令王亮少同營署

好輕侮亮亮奏表置軍虎牢東不得便地故令賊不時

滅魏主素好術數以為然積前後忿使人夜就帳中縊

殺之

先悉薦翻少詩照翻好呼到翻

乙卯魏主濟自靈昌津

靈昌津古延津也石

勒襲劉曜塗出於此以河冰為神靈之助改曰靈昌津

遂如東郡陳留叔孫建將

三萬騎逼東陽城城中文武繞一千五百人竺夔垣苗

悉力固守時出奇兵擊魏破之魏步騎繞城列陳十餘

里大治攻具夔作四重塹魏人填其三重為橦車以攻

城

陳讀曰陣重直龍翻治直之翻橦與橦同傳江翻擣也

夔遣人從地道中出以

大麻絙挽之令折

絙居鄧翻折而設翻居鄧翻折而設翻

魏人復作長圍

進攻逾急歷時浸久城轉墮壞

墮壞曰墮其下墮其同

戰士多死傷

餘衆困乏旦暮且陷檀道濟至彭城以司青二州並急

而所領兵少

少詩治翻

不足分赴青州道近竺夔兵弱乃與

王仲德兼行先救之甲子劉粹遣李元德襲許昌斬庾

龍元德因留綏撫并上租糧

上時掌翻

魏主至盟津于栗磧

造浮橋於治阪津

郭緣生述征記曰踐土今治阪城是水經注河陽縣故城在治阪西北魏

土地記云治阪城舊名漢祖渡城險固南臨孟津在洛陽西北四十二里盟讀曰孟乙丑魏主引

兵北濟西如河內娥清周幾間大肥徇地至湖陸高平

民屯聚而射之

射而亦翻

清等盡攻破高平諸縣滅數千家

虜掠萬餘口兗州刺史鄭順之戍湖陸以兵少不敢出

魏主又遣并州刺史伊樓拔助奚斤攻虎牢

伊婁虜複姓樓與婁

同毛德祖隨方抗拒頗殺魏兵而將士稍零落夏四月

丁卯魏主如成皋絕虎牢汲河之路

北史虎牢乏水城內懸縋汲河魏主

令連艦上施輜輶絕其汲路

停三日自督衆攻城竟不能下遂如洛

陽觀石經

石經後漢蔡邕所書者注詳見五十七卷漢靈帝熹平四年

遣使祀嵩高

使疏叔孫建攻東陽墮其北城三十許步

墮讀曰衆

刁雍請

速入建不許遂不克及聞檀道濟等將至雍又謂建曰

賊畏官軍突騎以鎖連車為函陳

函陳方陳也陳讀曰陣

大峴已

南處處狹隘車不得方軌雍請將所募兵五千據險以

邀之破之必矣

將即亮翻

時天暑魏軍多疫建曰兵人疫病

過半若相持不休兵自死盡何須復戰今全軍而返計

之上也已已道濟軍于臨朐

朐音幼宋略依乙

考異曰裴子野按長歷是月

丁卯朔無乙己必己已也

壬申建等燒營及器械而遁道濟至東陽

糧盡不能追些變以東陽城壞不可守移鎮不其城

不其

縣前漢屬琅邪郡後漢屬東萊郡晉屬長廣郡如淳
曰其音基賢曰不其故城在今萊州即墨縣西南 叔

孫建自東陽趨滑臺

趙七喻翻

道濟分遣王仲德向尹卯道

濟停軍湖陸仲德未至尹卯聞魏兵已遠遠就道濟刁

雍遂留鎮尹卯招集譙梁彭沛民五千餘家置二十七

營以領之

蠻王梅安帥渠帥數十人入貢于魏

帥渠帥上

讀曰卑下

初諸蠻本居江淮之間其後種落滋蔓

種章勇翻

曼音

布於數州東連壽春西通巴蜀北接汝潁往往有

之在魏世不甚為患及晉稍益繁昌漸為寇暴及劉石

亂中原諸蠻無所忌憚漸復北徙伊闕以南滿於山谷

矣

據史此諸蠻乃盤踞之後也復扶又翻

河西世子政德攻晉昌克之

唐契及弟和甥李寶同奔伊吾

唐契以晉昌叛河西見武帝永初二年

招

集遺民歸附者至二千餘家臣於柔然柔然以契為伊

吾王 秦王熾磐謂其羣臣曰今宋雖奄有江南夏人

雄據關中皆不足與也獨魏主奕世英武賢能為用且

識云恒代之北當有真人吾將舉國而事之

識楚

乃遣

尚書郎莫者阿胡等入見于魏

見賢通翻

貢黃金二百斤并

陳伐夏方略 閏月丁未魏主如河內登太行至高都

高都縣自漢以來屬上黨郡劉昫曰唐澤州晉城縣漢高都縣地行戶剛翻

叔孫建自滑臺

西就奚斤共攻虎牢虎牢被圍二百日

被皮義翻

無日不戰

勁兵戰死殆盡而魏增兵轉多魏人毀其外城毛德祖

於其內更築三重城以拒之魏人又毀其二重德祖惟

保一城晝夜相拒將士眼皆生創

重直龍翻人夜不得睡則眼眊燥以手揩

之則生創創初良翻下同

德祖撫之以恩終無離心時檀道濟軍湖

陸劉粹軍項城沈叔狸軍高橋皆畏魏兵彊不敢進丁

已魏人作地道以洩虎牢城中井井深四十丈

深式

山

勢峻峭不可得防城中人馬渴乏被創者不復出血重

以飢疫

又被義翻復扶又翻重直用翻

魏仍急攻之己未城陷將士欲

扶德祖出走德祖曰我誓與此城俱斃義不使城亡而

身存也魏主命將士得德祖者必生致之將軍代人豆

代田執德祖以獻

豆姓也漢書有校尉豆如意

將佐在城中者皆為

魏所虜惟參軍范道基將二百人突圍南還

將即亮翻

魏士

卒疫死者亦什二三奚斤等悉定司兗豫諸郡縣置守

宰以撫之

是時司州之地盡入於魏兗州之地自湖陸以南豫州之地自項城以南皆為宋守魏未

能悉定諸郡縣也

魏主命周幾鎮河南河南人安之徐羨之傳

亮謝晦以亡失境土上表自劾

劾又戶縣翻

詔勿問

徐

羨之兄子吳郡太守珮之頗豫政事與侍中王韶之程

道惠中書舍人邢安泰潘盛結為黨友時謝晦久病不

堪見客珮之等疑其詐疾有異圖乃稱羨之意以告傅

亮欲令亮作詔誅之

亮時進中書監中書掌詔命

亮曰我等三人同

受顧命豈可自相誅戮諸君果行此事亮當角巾步出

掖門耳

宮門正南門曰端門左右珮之等乃止

五月

魏主還平城

考異曰後魏帝紀五月庚寅還次雁門庚寅車駕至自南巡必一誤今皆不取

六月己亥魏宜都文成王穆觀卒 丙辰魏主北巡

至參合陂 秋七月尊帝母張夫人為皇太后 魏主

如三會屋侯泉

魏收地形志秀容郡肆廬縣治新會城真君七年併三會城屬焉

八月

辛丑如馬邑觀澧源

澧力水翻

柔然寇河西河西王蒙遜

命世子政德擊之政德輕騎進戰

騎奇寄翻

為柔然所殺蒙

遜立次子興為世子 九月乙亥魏主還宮召奚斤還

平城留兵守虎牢使娥清周幾鎮枋頭以司馬楚之所

將戶口置汝南南陽南頓新蔡四郡

晉惠帝分汝陰立新蔡郡分汝南立

南頓郡魏未能有四郡之地備置之耳

以益豫州

冬十月癸卯魏人廣

西宫外垣周二十里

平城西宮也魏主珪天賜元年所築

禿髮儁檀之

死也

事見一百十六卷晉安帝義熙十年傅叔沃翻

河西王蒙遜遣人誘其故

太子虎臺許以番禾西安二郡處之

誘音酉番音盤處昌呂翻

且借

之兵使伐秦報其父讎復取故地虎臺陰許之事泄而

止秦王熾磐之后虎臺之妹也熾磐待之如初后密與

虎臺謀曰秦本我之仇讎雖以婚姻待之蓋時宜耳先

王之薨又非天命遺令不治者欲全濟子孫故也

治直之翻

不治謂被鴆而不解也事見一百十六卷晉安帝義熙十年

為人子者豈可臣妾於

仇讎而不思報復乎乃與武衛將軍越質洛城謀弑熾

磐后妹為熾磐左夫人知其謀而告之熾磐殺后及虎

臺等十餘人十一月魏周幾寇許昌許昌潰潁川太

守李元德奔項戊辰魏人圍汝陽汝陽太守王公度亦

奔項

沈約曰晉太康地志王隱地道無汝陽郡應

劉粹

遣其將姚聿夫等將兵助守項城

將即亮翻

魏人夷許昌城

毀鍾城以立封疆而還

鍾城在泰山界夷許昌以立豫州封疆毀鍾城以立兗州封疆

也還從宣翻又如字

己巳魏太宗殂

年三十二

壬申世祖即位

世祖諱焘

明元皇帝之長子也蕭子顯曰焘字佛狸

大赦十二月庚子魏葬明元帝于

金陵

此雲中之金陵據北史道武帝葬盛樂金陵蓋魏諸陵皆曰金陵杜佑曰後魏盛樂縣在雲中郡

廟號太宗魏主追尊其母杜貴嬪為密皇后

密嬪也

自司

徒長孫嵩以下普增爵位以襄城公盧魯元為中書監

會稽公劉縉為尚書令

會工外翻

司衛監尉眷散騎侍郎劉

庫仁等八人分典四部

司衛監蓋魏所置以掌宿衛此又一劉庫仁非什翼犍所用之

劉庫仁也尉音舒勿翻散悉重翻騎奇寄翻四部東西南北四部也

眷古真之弟子也

尉古

真見一百六卷晉孝武太元十年

以河內鎮將代人羅結為侍中外都

大官

魏書官氏志內入諸姓叱羅氏為羅氏魏有外都大官內都大官將即亮翻

摠三十六

曹事結時年一百七精爽不衰

杜預曰爽明也

魏主以其忠慤

親任之使兼長秋卿監典後宮出入卧內

監工衛翻

年一百

一十乃聽歸老朝廷每有大事遣騎訪焉

騎奇寄翻

又十年

乃卒左光祿大夫崔浩研精經術練習制度

魏晉以來左右光祿

大夫在光祿大夫上假金章紫綬研精者窮其精力凡朝廷禮儀軍國書詔無不

關掌浩不好老莊之書曰此矯誣之說不近人情

託聖賢以

神其說謂之矯聖賢無是事寓言而加詆謂之誣好呼到翻近其新翻

老聃習禮仲尼所

師

史記及大戴記皆云仲尼問禮於老聃

豈肯為敗法之書以亂先

王之治乎

敗補過翻治直吏翻

尤不信佛法曰何為事此胡神及

世祖即位左右多毀之帝不得已命浩以公歸第然素

知其賢每有疑議輒召問之浩纖妍潔白如美婦人

細纖

也妍美好也

常自謂才比張良而稽古過之既歸第因修服

食養性之術初嵩山道士寇謙之讚之弟也修張道陵

之術自言嘗遇老子降命謙之繼道陵為天師

張道陵後漢人

修五斗米道俗所謂天師也

授以辟穀輕身之術及科戒二十卷

今道

家科戒蓋始於此

使之清整道教又遇神人李譜文

譜博古翻

云老

子之玄孫也授以圖錄真經六十餘卷使之輔佐北方

太平真君出天宮靜輪之法其中數篇李君之手筆也

謙之奉其書獻於魏主朝野多未之信

朝直遠翻

崔浩獨師

事之從受其術且上書贊明其事曰臣聞聖王受命必

有天應河圖洛書皆寄言於蟲獸之文

河出圖伏義象以畫八卦洛出

書禹得之以敘九疇故曰龍圖授義龜書畀似又尚書

中候曰堯沉璧于洛玄龜負書背赤文朱字止于壇

畔舜禮壇于河畔黃未若今日人神接對手筆粲然辭

龍負卷舒圖出于水

旨深妙自古無比豈可以世俗常慮而忽上靈之命臣

竊懼之帝欣然使謁者奉玉帛牲牢祭嵩嶽迎致謙之

弟子在山中者以崇奉天師顯揚新法宣布天下起天

師道場於平城之東南重壇五層

水經註濕水南逕平城之東水左有大道

壇冠謀之所建也濕水即湮水給道士百二十人衣食每月設厨會數

千人

臣光曰老莊之書大指欲同死生輕去就而為神僊

者服餌修鍊以求輕舉鍊草石為金銀

谷永說漢成帝曰諸言世

有仙人服食不終之藥遙興輕舉登遐倒景覽觀縣

圖浮遊蓬萊黃冶變化皆姦人惑眾挾左道懷詐偽

以欺罔世主服餌修鍊以求輕舉即谷永所謂服食

不終之藥遙興輕舉者也鍊草石以為金銀即谷永

所謂黃冶其為術正相戾矣是以劉歆七略敘道家

為諸子神仙為方技

以其相戾故七略不得合為一

其後復有符水

禁呪之術

符水禁呪即張道陵之術

至謙之遂合而為一至今循

之其訛甚矣崔浩不喜佛老之書而信謙之之言其

故何哉

喜許記翻

昔臧文仲祀爰居孔子以為不智

海鳥爰居

避風止于魯東門之外臧文仲使國人祀之孔子以為臧文仲不智者三祀爰居其一也如謙之

者其為爰居亦大矣詩三百一言以蔽之曰思無邪
君子之於擇術可不慎哉

資治通鑑卷一百一十九



總校官庶吉士臣侍朝

校對官檢討臣王坦修

膳錄監生臣秦長馨